



झंकार

अंक:38: 28.जुलाई.2022

दण्डकारण्य चैतना नाट्य मंच साहित्य-सांस्कृतिक मुख पत्र



कों. नर्मदा



कों. डप्पु रमेश



वीर साथीदार



कों. साफेन कों. सुनरमति कों. मंजुला कों. ककनी कों. तुलसी कों. अनिल



अमर शहीदीर किन आमुर इल्ले..!

दण्डकारण्य, देश मेंड अमर शहीदीरा, शहीद सप्ताह किन मानेमत्ता क्रांतिकारी जनता किन,

पीएलजीए, जनसंगठन कार्यकर्तालोर किन जय-जयकार वेहताकाल!

निन्ने-ओन्नेने 28 जुलाई शहीद सप्ताह तुन, शहीदीरा स्फूर्ति संगे क्रांतिकारी स्फूर्ति ता संगे मानेमत्ताद मंता. नवजनवादी क्रांति लक्ष्य ते 'समाधान', प्रहार हमला किन मलसी देब्बा हिसोरे अत्यंत बलिदानकुना भावना संगे तमा जीवा तुन जनता मैदे अर्पित कित्ता अमर शहीदीर किन सुरता कीसोरे देश मेंड क्रांतिकारी जनता इद साल ता 28 जुलाई तुन मानेमत्तोर.

2022 ते 28 जुलाई शहीद दिवस किन ऑड विशेष ता मंता. भारत देश ता क्रांति ता जन नेतालोर, मार्गदर्शकलोर, कॉ. चारूमजूमदार शहीद आसी 50 वर्ष, कॉ. कन्हाई चटर्जी शहीद आसी 40 वर्ष कुन मानेमासोरे ओरा क्रांतिकारी स्फूर्ति एत्ताद मंता. इद साल लोपा शहीद अत्ता भारत देश ता जनताना क्रांति नेतालोर कॉ. अंबर दा. कॉ. चिंतान दा. कॉ. साकेत दा. कॉ. दीपक दा. शहादत किन, दुख ता बोजा किन गुण्डे मेंड कांजसोरे कोंडा तल कन्नीर रालपी कीसोरे ओरा सपना तुन निज्जम कियाला मोम्मा मिंदेम इंजोरे ओरा आदर्श तुन वायना पीडि किन एवी कीतोम इंजोरे कैय तेहसी किरिया कित्ताद मंता.

दण्डकारण्य ते उत्तर सब जोन ते ऑड गेरिल्ला बेस ते बेचोनो मुल पीएलजीए, पार्टी कार्यकर्तालोर, क्रांतिकारी जनताना नडमा, अगस्त 2 तारिख 2:30 बजे ते जमा आसी शहीद दिवस तुन मानेमत्ताद मंता. इद पूरा कार्यक्रम रेंड दिया जरगता. पीएलजीए कमाण्डर काशन संगे इद कार्यक्रम प्रोटोकाल संगे शुरू अत्ता. पार्टी, जननेताल दुनिया ता सर्वहारा वर्ग ता इंटरनेशनल पाटा संगे कम्युनिस्ट पार्टी झंडा तेहतोर.

जनयुद्ध लोपा जीवा पोहता सहचरा कामरेड ना सहचरी, पारेवा युद्ध भूमि ते जीवा तुन बलिदान हित्ता कामरेड ना दीदी आयनाद, कामरेड हिडमे अमर शहीदीरा स्तूपम किन आविष्कार कित्ता। देश मेंडू इद साल ते शहीद अत्ता सर्वहारा वर्ग ता 124 मुल पुत्र-पुत्रिका लोर किन पेदिदर-पेदिदर ते 2 मिनेट मौनम कीसि विनम्रता संगे लाल जोहार अर्पित कित्ताद मंता.

“अमर शहीदीर किन जोहार!”

“अमर शहीदीरा आशय किन पूरा कियकाल!”

इंदना नारा जंगल गुलैय ददरेलन लेक्का ऊंगी मत्ता.

इदे संदर्भ ते केन्द्रीय कमेटी तिंची रिलीज कित्ता भारत देश ता क्रांति ता जनताना नेतालोरा (सी.सी.एमस) जीवानीवु किन, शहीद परिवार तिना कामरेड एम. इद पुस्तक किन आविष्कार कित्तोर. इद संदर्भ ते केन्द्रीय कमेटी, राज्य कमेटी संदेश किन क्रांतिकारी वक्तालोर अगा मत्ता पार्टी, पीएलजीए, जनसंगठन, क्रांतिकारी जनता किन एवसी कित्तोर.

दक्षिण बस्तर ते 28 जुलाई शहीद सप्ताह किन मानेमासोरे हजारों संख्या ते क्रांतिकारी जनता, पीएलजीए, जनसंगठन, पार्टी कार्यकर्ता लोर जमा आसी, क्रांतिकारी जोश संगे पेदिदर-पेदिदर ते अमर शहीदीर किन सुरता कीसोरे लाल जोहार वेहत्तोर. इद संदर्भ ते 60 पीठकुना पोरो मंदना अमर शहीदीरा कुर्बानी प्रतिका अत्ता, स्तूपम किन आविष्कार कित्तोर. इद साल ते शहीद अत्ता कॉ. साकेत दा. कॉ.दीपक दा ना संगे-संगेने कॉ. अंबर दा. कॉ. चिंतान दा. कॉ. हारिभूषण ना फोटो तास्तोर. नेक्का नेल्ला बना कित्ता बिडिया मंच तिना मना कामरेडस, हजारों संख्या ते मत्ता जनता किन सी.सी., एसजडसी संदेश एवसी कित्तोर. इव सब्बे कार्यक्रम कुना लोपा चेतना नाट्य मंच तना कला-सांस्कृति ना भूमिका निभा कित्ता. इद प्रोग्राम देश मेंडू जनता लोपा क्रांतिकारी जोशिला ओसो प्रेरिणा हिसोरे अमर शहीदीरा कुर्बानी किन आकाश ता अंद एवना ओत्ता.

झारखण्ड ते ओंड गेरिल्ला बेसकुना लोपा हजारो संख्या ते क्रांतिकारी जनता, पीएलजीए लाल योद्धालोर जनताना सांस्कृतिक सैनिक लोर 28 जुलाई शहीद सप्ताह किन क्रांतिकारी जोशिला संगे शहीदीरा आदर्श, ओरा जीवानी ना प्रेरिणा संगे मानेमत्ताद मंता. लाल कपड़ा संगे लाल मंच कुन बना कीसि अद मंच ते शहीदीरा फोटोंग तासी शहीदीरा मट्ट किन उद्धगठन कीसि अगा वत्ता जतना किन पार्टी संदेश किन एवसी कित्तोर. इद प्रोग्राम वेंडे सोशल मीडिया तिना देश दुनिया ते मूला-मूला ते एवता.

ईले दण्डकारण्य, बिहार, झारखण्ड, ओडिशा, एम.एमसी, आंध्रा, तेलंगाना इका देश ते जंगल, मैदान इलाका ते शहर ते जनता शहीद सप्ताह किन मानेमत्तोर तेलंगाना ते हैदराबाद शहर ते 'अमर शहीदीरा बंदु मित्रलोरा संगठन (एबीएमएस) नेतृत्व ते ओंड आम सभा जरगता. इद नडमा शहीद अत्ता सब्बे कामरेड्स किन 2 मिनेट मौहनम कीसि पेदिदर-पेदिदर ते श्रद्धांजलि अर्पित कित्तोर. कामरेड नर्मदा दीदी ना संस्मरणा सभा जरपसी वीरासम (विप्लाव रचयितालोरा संगठन) कामरेड्स श्रद्धांजलि अर्पित कित्तोर.

दण्डकारण्य ते दण्डकारण्य एसजेडसी मेम्बर, केएएमएस नेत्री कॉ. नर्मदा दीदी किन नारू-नारू सुरता कीसोरे तना फोटो तासीसि केएएमएस कार्यकर्तालोर, क्रांतिकारी जनता, सुरता कीसोरे लाल जोहार वेहतोर. कॉ. नर्मदा

दीदी ना आशय किन पूरा कीतोम इंजोरे जनता किरिया कित्तोर. मुख्या हिसाब ते, तना नेतृत्व कित्ता पश्चिम सब जोन ते (गड़चिरोली)ते, नार-नार लोन-लोन ते तनाकिन श्रद्धांजलि अर्पित कित्तोर

इद साल ते शहीद अत्ता सांस्कृतिक जनयोद्धा, डप्पली, पाटा गुरु, मास्टर, संगित दर्शक, गायक कॉ. डप्पु रमेश किन दण्डकारण्य लोपा एरिया, पंचायती यूनिट्सकुना लोपा हजारो मुल कलाकार लोर क्रांतिकारी जनता, पीएलजीए, पार्टी कार्यकर्तालोर इद 28 जुलाई संदर्भ ते सुरता कीसोरे श्रद्धांजलि आर्पित कित्तोर। ओर तैयार कित्ता डप्पु शास्त्रम, 'डिमकु टका' इंदना तालम-कालम कुन करियसोरे, डप्पली पेंसी कीसोरे ओयना पाटांगकुन कल्पसोरे डप्पली गुरुजी किन सुरता कीसोरे मंतोर।

महाराष्ट्र क्रांति ता कलाकार रचयिता सिनेमा कलाकार मावा साथी वीर साथीदार 2021 ते शहीद अत्तोर, इंदना कबुर मनाकिन लेट ते एवता। वीर कामरेड मराठी, हिन्दी फिल्म 'कोर्ट' इंदना फिल्म ते हीरो भूमिका निभा कित्तोर। वीर कामरेड वेंडे भारत देश ते नवजनवादी सांस्कृतिक निर्माण लोपा वेल्लय भूमिका निभा कित्ता कामरेड आंदूर। इद 28 जुलाई संदर्भते जनता ना क्रांतिकारी सिनेमा कलाकार साथीदार कुन वेंडे लाल जोहार वेहताद मंता।

झंकार 38 वां अंक किन अमर शहीदीरा विशेष अंक लेक्का तत्तामुंतोम। दीना लोपा कामरेड नर्मदा दीदी,दण्डकारण्य रचयित्री नित्या ना जीवानि किन हित्ताद मंता। अद्रमे डप्पली, पाटा गुरु, संगीत दर्शक (म्यूजिक डैरेक्टर) कॉ. डप्पु रमेश किन श्रद्धांजलि आर्पित कीसोरे सी.एन.एम रासता स्मृति संदेश किन इद अंक ते हिसोरे मंतोम। अद्रमे इद नडमा दमन, अलग-अलग कारण ते शहीद अत्ता कामरेड्स ना जीवनिवु किन वेंडे हीसोरेमंतोम।

अमर शहीदीरा नेत्तुर ते नांदता लाल झंडा तुन
दुनिया दुव्वार ते उरस्काकाल इंजोरे....!

सांस्कृतिक जनयोद्धा लोरा जीवनी!

भारत ता कम्युनिस्ट पार्टी (माओवादी) नेताल कामरेड-नर्मदा दी. (उपगुंटी निर्मल) साहित्य रचयिता नित्या किन आमुर हिल्ले!

मावा पार्टी ता नेताल, दण्डकारण्य स्पेशल जोनल कमेटी सदस्य कामरेड नर्मदा दी शनिवार अप्रैल 9 तारीख नरकुम 10:30 बजे तुक मुंबाईता जेल ते शहीद आता. 1980 तल 2022 एवनल 42 सालकु क्रांतिकारी आंदोलन लोपा समर्पित भावना ते काम कीसोरे तना आशयकुन मुन्ने ओसोरे जीवा हीता कामरेड नर्मदा दी. कुन दण्डकारण्य चेतना नाट्य मंच लाल जोहार अर्पित कीसोरे मंता.



काँ. नर्मदा दीदी डीके एसजेडसी मेम्बर, केएएमएस नेत्रीये आयवा सांस्कृतिक जनयोद्धा वेंडे आंदु. काँ. नर्मदा दीदी झंकार पत्रिका लोपा नित्या पेदिदर ते रास्ता कविता, कहानी वेसुड लेक्काटा रचना किन झंकार पाठक लोर सब्बे तोर पुत्तोरे. आल्केने विप्लाव

रचयितालोरा संगठन (विरासम) साहित्य सांस्कृति पत्रिका 'अरुणातारा' ते नित्या कलम पेदिदर ते बेचोनो कविता, कहानी रास्ताद मंता. तनक रास्ता कविता, कहानी तेलुगु ते पुस्तक वेंडे प्रिटिंग अत्ता. तेलुगु, कोया, गोंडी साहित्य समाज कुना लोपा मना विचार कुना लोपा साहित्य सांस्कृतिक योद्धा आसी काँ. नित्या 'नित्यम' आसी मंदीन्ता. सांस्कृतिक योद्धा कामरेड नर्मदा, नित्या किन चेतना नाट्य मंच विनम्रता संगे लाल जोहार अर्पित कीसोरे मंता. तना लेक्काटा नित्यालोर किन वायना पीढी तिना तैयार कीतोम इंजोरे साहित्य किरिया कियामुंतोम.

कामरेड नर्मदा दी 1960 ते आन्ध्रप्रदेश ता कृष्णा जिला गन्नावरम हेरे नाटे कम्युनिस्ट परिवार लोपा पुटता. कामरेड नर्मदा दी ना बाबो कम्युनिस्ट पार्टी ता हम दर्दी मंजी परिवार लोपा प्रगतिशील विचारकुन पोयसी मंदूर. कामरेड नर्मदा दीदी किन इरवुर दादालोर मंदूर. कामरेड नर्मदा दी. 10 वी हेवनल पढेमासी पया हैदराबाद तेके करियला हत्ता. अगा राडिकल छात्रलोरा संगे

परिचय आसी क्रांतिकारी विचारकुना संगे काम कियाना शुरू कीता. अगड़ल कामरेड नर्मदा दी पार्टी ते भर्ति आसी हत्ता 42 सालकुनला लोपा दण्डाकरण्य विशेष जोनल कमेटी सदस्या हेवनल विकास आता. हत्ता 42 सालकुना लोपा अलग-अलग स्तर ते मंजी काम कीसोरे तन्ना क्रांतिकारी योगदान तुन हेवसी कीता. 42 सालकु पार्टी ता हर उतार-चढ़ाव लेपा नर्मदा दीदी दृढ़ता ते मंजी काम कीता. मुख्य रूपते 1996 तल 2018 हेवनल 2022 सालकु गड़चिरोली आंदोलन लोपा प्रत्यक्ष रूपते मंजी नेतृत्व कीसोरे गड़चिरोली जिला आंदोलन तुन मुन्ने ओयना लोपा महत्वपूर्ण भूमिका निभा कीता. मति इंजेके अद दीदी भौतिक रूपते हिले. मति ताना अमर आशयकु, आदर्शकु मंताग. 42 सालकु भारतता नवजनवादी क्रांति साटी काम कीसि शहीद आता दीदी ना लडाई हरीदे नेटा पीड़ी तुन ताकीहकड़ इंजोरे ताना आशयकिन सफल कीसोरे अधुरा सपना किन पूरा कीकड़ इंजोरे ताना आदर्श किन पोयसी काम कियाना जिम्मेदारी मावा सबेटोरा पोरो मंता.



1980 ता शुरू आत ते लडाई हरी पोयसी 1983-84 ते कामरेड किरण दा ना संगे मर्मि आसी 1987-88 हेवनल ओना संगेने आन्ध्रप्रदेश ता मुखपत्र 'क्रांति' ता अणि प्रकाशनकुना स्टाफ ते काम कीता. पया अद हिन्दी भाषा करियना विचार ते मद्रास (तमिलनाडु) ते विशेष परिक्षांग रासिसी स्नातक कोर्स ते उत्तीर्ण आता. इद समय तुक विकास आसोरे मत्ता दण्डकारण्य आंदोलन ता जरूरत किन पोयसी उंदि हिन्दी परित्रका तत्तला पार्टी आलस्ता. 1986-87 तल प्रभात पत्रिका तत्ताना शुरू आता. कामरेड नर्मदा दीदी 1987-88 तल 1996 हेवनल प्रभात पत्रिका ता संपादक मंडल ते मंजी काम कीता. पया कामरेड नर्मदा दीदी जनता ना लोपा प्रत्यक्ष रूपते मंजी काम कियाना तुन गिर्दासी 1996 तल 22 सालकु गड़चिरोली जनता ना लोपा काम कीता. कामरेड नर्मदा दीदी किन गड़चिरोली जिला जनता विशेष रूपते गटटा-भामरागढ़, पेरमिली एरियांग लोपा नार-नार, लोन-लोन दीदीन पुत्तोर. नेंड दीदी मायता इंदना समाचार मावा जनता किन वेला दुखम तुन हेवसी कीता. मति अदु दुखम तल पेसीसि तना आशय किन जनता पूरा कियानोर।

कामरेड नर्मदा दी 2003 ते दण्डकारण्य विशेष जोनल कमेटी सदस्या बनेमाता। अदे समय ते क्रांतिकारी आदिवासी महिला संगठन ता अध्यक्ष

बनेमाता। कामरेड नर्मदा दीदी तना पूना जिम्मेदारींग पोयसी पार्टी अद समयते एतसी मत्ता 'दण्डकारण्य तुन बेस एरिया बना कियाकड' इंदना केन्द्र कर्तव्यतुन मुन्ने ओयला गडचिरोली लोपा गुरिल्ला बेसकुन पंडला विशेष प्रयास कीता शहीद कामरेड विकास ना (डिवीजन कमेटी सचिव) संगे मंजी गट्टा-भामरागढ ते वर्ग विश्लेषण कीसि 2005 तल जनताना सरकार किन निर्माण कियाना पोरो तना काम तुन केन्द्रित कीता.

एसजेडसी मेंबरता होदा ते मंजी महिला संगठनता नेतृत्व रूपते काम कीसोरे उंदि पक्का क्रांतिकारी महिला आंदोलन तुन मजबूत कीसोरे दूसरा पक्का वैकल्पिक राज सत्ता तुन सुदृढ कीसोरे ताना लोपा महिला भूमिका तुन बेरसी कियाला भरपूर कोशिश कीता. गडचिरोली डिवीजन ता क्रांतिकारी जनता ना सरकारकुना विकास लोपा कामरेड नर्मदा दीदी ना योगदान विशेष रूपते मंता.

2006 ते गडचिरोली डिवीजन आंदोलन उत्तर अणि दक्षिण गडचिरोली आंदोलन कुना रूपते विकास आसी रेंडू डिवीजनकु बनेमातांग. कामरेड नर्मदा दीदी दक्षिण गडचिरोली पोरो केन्द्रित कितेके शहीद कामरेड श्रीकांत उत्तर गडचिरोली पोरो केन्द्रीकरण कीसि उंदि सबजोन स्तर तेके बेरस्ता. गडचिरोली आंदोलन लोपा जनता ना सरकारकुन, मावा पीएलजीए तुन मजबूत कीयना पोरो काम कीसोरे बेस सफलतांग हासिल कीतोर. रेंडू डिवीजनकुना लोपा लेयस्क-लेयोर किन वेला संख्या ते पीएलजीए ते भर्ति कीतोर.

केएमएस ता अध्यक्षा रूपते काम कीसोरे तीन साल तुक उंदि बेरा जोन महिला संगठन ता अधिवेशन कुन ताकी कीसोरे महिलांग ना लोपा क्रांतिकारी चेतना बेरसी कियला. पुरुष प्रधान समाज लोपा पितृसत्ता विचारधारा किन मापला जुझारू रूपते संघर्ष कीता. 2009 हेवनेके 30 सालकुना दण्डकारण्य ता महिला आंदोलन ता इतिहास तुन उंदि पुस्तक रूपते तत्तला कीता कोशिश लोपा कामरेड नर्मदा दीदी ना योगदान वेने मंता. अद पुस्तक तुन संक्षिप्त रूपते हिन्दी ते तत्तला वेने कीता कोशिशते ताना भूमिका मंता.

डीके आंदोलन तुन मजबूत कीसोरे जनता किन जागरूक कियाला 2001 तल पार्टी शुरु कीता जन पत्रिकांग लोपा गडचिरोली तल 'पोडदू' पत्रिका तुन तत्ताना शुरु कीसि 2018 हेवनल लगातार लगभग 25 अंक किन ज्यादाये तत्ताना लोपा दीदीना योगदान प्रधान रूपते मंता. लगभग 10 सालकु प्रभात पत्रिका ता संपादक मंडल ते मंजी काम कीता अनुभव तल 'पोडदु' पत्रिका तुन तत्तला कोशिश कीता. पोडदू पत्रिका ता पोय निर्णय कियानगडल शुरु कीसि ताना विकासता हर अक्षर-अक्षर ते ताना योगदान मंता. दूसरी बगिल 1996 तल पार्टी शुरु कीता विशेष महिला पत्रिका 'संघर्षरत महिला' तुन वेने मुन्ने तेलुगू ते पया हिन्दी ते तत्ताना लोपा कामरेड नर्मदा दीदी ना भूमिका वेल्लय मंता.

आंदोलन ता हर मोड़ तुन, हर बदलाव तुन, हर विकास तुन, हर जन संघर्ष तुन, जन चेतना तुन लिपिबद्ध (रासना) कीसि रिकार्ड तुन तास्ता लोपा दीदीना योगदान तुन बस्केटके मरंगोम. 2009 ते बंगाली जनताना परिस्थिति, 2012 ते पेसा, ग्राम सभाना काम—काज (लेखामेंडा) ता अध्ययन कीसि तना रिपोर्ट तुन कमेटी तुक हेवसी कीता. इद्रम कामरेड नर्मदा दीदी तना प्रयास तुन हर एक क्षेत्र लोपा ताकी कीसि पार्टी विकास तुक वेल्लय कोशिश कीता.

2013 हेवनेके दण्डकारण्य क्रांतिाकरी आंदोलन कठिन परिस्थिति तेके हेवता. इद समय ते पार्टी पोयता बोल्शेवीकरण अभियान तुन पश्चिम सबजोन (गडचिरोली) लोपा सफल कियाना लोपा तना जिम्मेदारी तुन बेस निभा कीता. गटटा, भामरागढ एरियांग लोपा वाता बदलाव कुन स्थानिय एसी, डीवीसी तोरा संगे मंजी अध्ययन कीता. जारावाड़ा, गोरगुटटा, नालगु पंचायतकुना लोपा वर्ग विश्लेषण कीसि तना रिपोर्ट तुन पार्टी तुक हेवसी कीसि ताना पोरो आधार आसी गडचिरोली लोपा पूना दावपेंचकुना संगे काम कियाला विचार कीता. 2013—14 ते



गडचिराली आंदोलन लोपा गोविन्दगांव तल शुरू कीसि रामन—मेड्री ता एनकाउंटर कुना लोपा, भटपर ता झूठी मुठभेड़कुना लोपा लगभग 25 शहीद आतोर.

1992 ते बनेमाता सी—60 कमांडो तोर अणि सरकार तोर, पुलिस तोर इंजेके पूरा गडचिरोली ता लडाई मारता इंजी चुनौतींग हीता समय ते पार्टी पोयता पूना दावपेंच कुन पोयसी वेदुर संघर्ष समितिंग किन निल्पी कीसोरे

कानूनी संघर्षकुन ताकी कियाना हरीते जनता किन संगठित कियाला कोशिश कीता. दूसरी बगिल सैनिक कार्रवाईंग लोपा प्रत्यक्ष रूपते शामिल आसोरे 2014 तल 2017 हेवनल टीसीओसींग सफल, आंशिक सफल कियाना लोपा नेतृत्व कीतद मत्ता. गडचिरोली आंदोलन तल कठिन परिस्थितिंग हूडसी कमजोर आसी नेतृत्व ते मत्तोर बोर—बोर पुलिस तोरा मुन्ने आत्मसमर्पण कीसोरे पुलिसतोरा संगे लेंग मिला कीसोरे दुष्प्रचार कीसोरे मतेकाई पूना दावपेंचकुन पोयसी काम कीसोरे वेला सफलतांग हासिल कीसोरे पुलिस, प्रशासन तोरा चुनौतिंग किन मुहतोड़ जवाब हीसि जन आंदोलन तुन ओसो मुन्ने ओतद मंता. इद समय ते दिल्ली विश्व विध्यालय आचार्य सायबाबा, छात्र हेम मिश्रा किन पुलिसतोर नर्मदा दीदी ना संगे संपर्क ते मंजी शहरी नेटवर्कता काम कीसोरे मंतोर इंजी झूठा आरोप कीसि ओरिन अरेस्ट कियाना, कामरेड वरवाराव ना पोरो सुर्जागड़ता खदान

कारखाना तुन नर्मदा दीदीना इशारा पोरो बंद कियामंतोर इंजी आरोप कियाना तुन खंडन कीसोरे देशता बुद्धिजीवीलोरकु हमेशा तम्मा मदत हेविता इंजोरे अन्नी-मन्नी जीवा इंजोरे क्रांतिकारी आंदोलन तुन मुन्ने ओयला आखरी हेवनल कामरेड नर्मदा दीदी कोशिश कीता.

2015-16 ते कानूनी रूपते लडेमासोरे मत्ता जिला जनताना संगे मंजी पेसा कानून ना तहत नाटे-नाटे ग्राम सभाग किन निल्पी कियाना लोपा दीदी व्यापक अध्ययन कीसोरे युवा शक्ति पोरो खासकर पढेमातोरा पोरो ध्यान हीसि काम कीता. जनता तम्मा विस्थापन तुन विरोध कीसोरे सुरजागढ, दमकोडवाही ता खदान कुना काम तुन रोमी कीतस्के ओरा न्यायपूर्ण मांग कुन पोयसी आंदोलन तुन मुन्ने ओयला भरपुर प्रयास कीता. डिवीजन ता आंदोलन पूना-पूना तरीका ते, पूना-पूना शक्तिंग किन पोयसी मुन्ने दायना समयते 2018 अप्रैल 22 तुक कसनूर मुठभेड ते असाधारण नुक्सानकु आसी 40 जन कामरेडस शहीद आतोरे. अद समय ते तन्ना जीवा तगा बचोन दुखम मतेकाई क्रांतिकारी आंदोलन लोपा वायना हर तिप्पल ता समयते दृढता ते मंजी सबक एत्सोरे लडाई तुन मुन्ने ओयानदे सही नेतृत्व आंता इंदना विचार ते वेल्लय हिम्मत अणि साहस ते गडचिरोली आंदोलन तुन वेंडे नुक्सानकुनल पेसी कीसोरे मुन्ने ओयला योजना तैयार कीता. मति अद समय तुक तन्ना केन्सर बीमारी वीडता.

2014 ते प्राथमिक रूपते शुरू आता स्तन केन्सर तुक दवाखाना ते हंजी इलाज किया वेहता. पया 2016-17 ते अद केन्सर आयो इंजी, जांच लोपा पेस्ता इंजी दूसरा डॉक्टर लोर वेहता पया वेला खुशी आसी लडाई लोपा और ज्यादा गिर्दते काम कियालाता. मति 2017 आखरी हेवनेंके केन्सर बीमारी बेरसाना शुरू आता. उंदि पक्का महीना-महीना लगातार वायना मलेरिया बीमारी, दूसरी पक्का बेरसोरे मत्ता केन्सर ओसो पार्टी नुक्सानकु ना नडमा दीदी वेला धीरजते काम कीता. पया 2018 अगस्त ते हैदराबाद हंजी डाक्टर लोरा संगे जांच किया वेहतस्के केन्सर वीडता इंजोरे कीमाथेरपी किया लागिता इंजोरे वेहतोर.

इद समय ते बोर-बोर हमददी लोर इचोन गंभीर बीमारी ते, बेरस्ता उम्र ते ओसो वेने पार्टी ते भूमिगत पिस्वल ते बारांकु मंदना, आत्मसमर्पण कीसि बेस इलाज एततेके बेस आयार इंजोर सुजाव हीतस्के वेला दृढता ते नावा जीवा क्रांति लोपाने दायना इंजोरे जवाब हीसि हैदराबाद ते दवाखाना ते मतस्केने महाराष्ट्र ता पुलिस तोर हमला कीसि 2019 जून 11 तुक अरेस्ट कीतोरे. कामरेड नर्मदा दीदी ना पोरो लगभग 100 झूठा आरोपकु कीसि मुंबाई ता आर्थर रोड जेलते तास्तोर. गंभीर केन्सर बीमारी ते मतेकाई प्रवीन नागरिक इंजोरे आल्सावा लेवा बार-बार कोर्ट-कछेरींगना सरने तिरहचोरे न्यायिक हिरासत लोपाने हिन्दुत्व फासीवाद सरकार हवक्ता. कामरेड नर्मदा दीदी ना आशय किन, आदर्श कुन,

हामुर हिले. 42 सालकुना ताना क्रांतिकारी योगदान व्यर्थ हन्नो. गडचिरोली ता, दण्डकारण्य ता, पूरा देशता उत्पीडित जनता किन अद तन्ना आशय कुना संगे हरी तोहचोर वियुक्का आसी मार्गदर्शन कीसोरे मंदनू. मनल दीदी ना हरी ते ताक्सोरे भारत नवजनवादी क्रांति तुक सफल कियाकड!!

कामरेड नर्मदा दीदी (उप्पुगंटी निर्मला) अमर रहे!

डप्ली, पाटा गुरुजी किन लड़ाई ता जोहार!



शहीदीरा आमुर, ओरा सुरता ना संगे मन बोजा आंता। अद बोजा कोंडा तल पेसाना कन्नीर संगे पेसी मंजी मन उच्चुन अलको आंता। अद बोजा तुकू अक्षर रूप हित्के इतिहास ते ओर त्याग हमेशा निल्स मंदीन्ता। अद दुखम ता बोजा मट्ट (स्मारक) आसी नित्के दिनाल मना कोंडा मुन्ने शहीदीरा सुरतांग, ओरा आदर्श माकुन हरी तोहसोरे मंदीन्ता। आले अदु दुखम ता बोजा अमर शहीदीरा आशय किन

पूरा कीसि जनताना मन किन अल्को कींता। शहीदीरा आशय किन दृढसंकल्प संगे पूरा कींतोम इंजोरे किरिया कीसोरे मावा जीवता कला गुरु, सांस्कृतिक योद्धा कामरेड डप्लू रमेश किन मावा संगठन चेतना नाट्य मंच विनम्रता रूप ते क्रांति ता जोहार आर्पित कीसोरे मंतोम।

1998 ते मावा संगठन बनेमत्ता। वायना साल ते रजत (25 साल) वेड़का निर्वहणा मैदे तैयारी कीसोरे मंतोम। मति मावा लड़ाई पाटा तुकू रागम अत्ता, पाटा गुरु गंगन्ना, रमेश वायना अद वेड़का संगे मंजी मा गिर्दा लोपा क्रांति गिर्दा मतके बेचोनो नेक्का-नेल्ला आस मन्नेल गदा! अद ओंड आशा बहे! मति, अव आशयकु मनाकुन निल्पी कींता। मना आशय किन, शक्ति, उत्साह, प्रोत्साहन, प्राणवायु (नेस्कना वेड़यू) लेक्का एवसी कीसोरे मंदीन्ता। अव आशयकु मनाकिन बर्बर दमन तुन मुकालबा कीसोरे मुन्ने ओंता। अव आशयकु मना कन्नीर किन, मना कष्टाम किन, अपमान किन सहान कियला ताकत हिता। इलका, डोडा, मेट्टा किट्टे उस्का भूमि (रेगिस्तान) वेंडे पेटो-पेटो मेट्टा मना संकल्प मुन्ने सुडला गोटींगे आंता। मूड मेट्टांग किन मुट्टी कीयना आंता इंजोरे दृढ विश्वास तेने कामरेड रमेश अपना पिस्वाल ता आचरण ते साबित कित्तोर। अदेन मैदे कम्प्युनिस्ट लोर किन सब्बे तोर किन जीडि जीवला करर जीवा नोर इंतोर। ओर क्रांति मैदे स्वार्थ किन त्याग कींतोर। अदेन मैदे ओरू मृत्युंजय नोर। आले मृत्युंजय अत्ता शहीद कामरेड डप्लू रमेश ना सुरता हमेशा मंदीन्ता।

जन नाट्य मंडली तुकू स्वर्णा वेड़का (50 साल), चेतना नाट्य मंच तुकू रजत (25 साल) वेड़का, क्रांतिकारी कलाकारलोर किन ऑड पंडूम वेड़काव। ई रेंड संगठन किन नडमा डोंडा उरहसता लेक्का जीवता संबंध मंता। उच्चुक मुल जन नाट्य मंडली संस्थापक लोरा घमंडी ता कोहक कोड़स्तेक वेंडे ओर किन पक्का ते वाटसोरे बेचोन कोटो जनकलाकार लोर निस्वार्थ बुद्धि संगे तम्मा पिस्वाल तुन क्रांतिकारी सांस्कृति संघर्ष मैदे समर्पित कित्तोर। ओरू वाटता जन कला बुनियादी ता मजबूत पायी पोरो मावा सीएनएम संस्था दृढता संगे निच्ची मंजी विस्तार आयना मैदे बेचोनो योगदान कित्तोर। ओरू करहता प्रशिक्षण, ट्रेनिंग, क्रांति ता अनुशासन ओरू मनवा मैदे कित्ता सब्बे रकम ता सेवा बेस्के मरंगा परवा लेक्कातादु। मावा कलाकारलोर किन पाटा, डाका ते ढोल, डप्पली ते कामरेड डप्पू रमेश हमेशा माकिन ऑड गैड लेक्का मत्तोर। मुन्ने वेंडे ऑड मार्गदर्शक लेक्का मंदीन्तोर।

कामरेड रमेश 2001 ते दण्डकारण्य तुकू परिचय अत्तोर। मूंड दशक ना पेरके ताकना पड़ना पी.डब्ल्यू पार्टी ता 9वीं कांग्रेस तुन क्रांतिकारी गिर्दा संगे जरपना दियांग आंदु। अस्के ओना संगे कलाकार कामरेड श्रीधर आलकेने स्थानीय कलाकारलोर हाजिर आसी अगटा तम्मा पाटा,डाका संगे प्रतिनिधिलोर किन अकार्षित कित्तोर। अद कांग्रेस वेड़का दिया ते तना लेंग ते “ ओ अरूणा पथाकमी चोगोनुमा रेड सेल्यूट्स श्रमा जीवूला केतानमा नीकिविगो रेड सेल्यूट्स” इंदना पाटा पारतोर। (ओ लाल झंडा एता रेड सेल्यूट्स, श्रमा जीविलोरा चिहना एता रेड सेल्यूट्स) जय-जय मना अरूणा पथाकमाकु जय इंजोरे डप्पली किन पेंसोरे पारानस्के अगा मत्ता सब्बे कामरेड्स गिर्दा संगे तना पाटा किन कोरस हित्तोर।

अव पाटा संगे दण्डकारण्य जाबुर जंगल तुकू भीमाड विल अत्तोर। कामरेड युवाका रास्ता “सेलेला ना सेलेला, आड़वि बत्कुला कन्नु लल्लो वेन्नेला” इंजोरे मन्यम (एओबी) मेट्टांग ना लोपा कौदू जनताना जीवता मेयाड कामरेड ज्योति स्मृति ते पाटा ओत्तोर। जन रचयिता गायक, सुद्धला अशोक तेजा श्रमा जीवि श्रमा सोभा किन अक्षर रूप हीसि रास्ता “टपा-टपा-टपा चेमटा बोटलू तालालय पड़तुन्ने” पाटा किन अद गेड़ा तच्ची तना नल्लेय ता लेंग संगे पारी मंजी सपेय कैजवा लोर किन परिचय कीसोरे अक्षर तुकू वीरासत तुकू आचरण कुना नडमा मंदना संबंध कुन वेंडे ऑड दम सुरता कित्तोर। अद समय ते तना संगे बेचोनो कोटो क्रांतिकारी पाटांग किन पारा वेहसी केसेट लोपा रिकार्ड कीसि तूस्ताद मंता। अद समय ते ढोल, डप्पली कंजरा दोरकवा परिस्थिति ते वेंडे आदिवासीरा गोटूल लोपा मंदना ढोलकुन वाइध्यम लेक्का उपयोग कित्ता संगीत मास्टर ओरू। अदेन मैदे डप्पलीये तना लोता पेदिदर आसी डप्पू रमेश बनेमत्तोर। तेलुगु पुत्तानोर अंता दोगता समय ते इंजेड वेंडे तना लेंग कुनू



केंजसोरे मंदांमुंतोर। वेर क्रांतिकारी गायक जनताना मन लोपा हमेशा मंदिन्तोर। कामरेड रमेश कांग्रेस वेडकांग तिना मल्सी दायनास्के हरदे चेतना नाट्य मंच कलाकारलोर किन कला प्रशिक्षण सीविर किन ताकि कित्तोर। इद समय ते छत्तीसगढ़ तिंची वत्ता जन वागायकारलोर (सब्बे रकमता कला तुन पुत्ता कलाकारलोर) संगे जन नाट्य मंडली अनुभाव तुन तूस्तोर। अस्के-अस्केने पुटता, चेतना नाट्य मंच

(सी.एन.एम) विकास तुकू पूना शक्ति हित्ता।

अगा तिना ज्यादा दिया अयवा मुन्नेने ओस्सो मनवा रमेश दादा पांता पी.डब्ल्यु पार्टी ताकि कित्ता अखिल भारत सांस्कृतिक कार्यशाला लोपा मावा संगे शामिल अत्तोर। इद कार्यशाला लोपा पार्टी तैयार कित्ता सांस्कृतिक डाक्युमेंट पोर्से देश मेंडू क्रांतिकारी रचयितालोरा, कलाकारलोरा रॉय कुन एती मंजी इद डाक्युमेंट कुन समृद्ध कियना मैदे गुप्त तरीका ते क्रांतिकारी जनताना नडमा सैकडो कलाकारलोरा संगे जरगता मंच अद। दिल्ली, हरियणा, बिहार, तेलंगाना, एओबी, दण्डकारण्य तिना रचयितालोर कलाकारलोर तिना हाजिर अत्तोर।

अगा अद डाक्युमेंट कुन समग्र रूप ते चर्चा कीसि समृद्ध कित्ताद मंता। अगा ताकता कला प्रदर्शनकु, ओत्ता पाटांग, दशकों सांस्कृतिक अनुभाव मंदना कलाकालोर कुना नडमा अदान-प्रदान मैदे, विकास आयना मैदे उपयोग अत्ता। अद कार्यशाला (वर्कशॉप) लोपा जरगता चर्चांग ना कारण तेने मावा चेतना नाट्य मंच ओंड जनसंगठन लेक्का विकास अत्ता। जनसेना ता कर्तव्य ते भाग आसि क्रांतिकारी ओस्सो पार्टी कर्तव्य ता प्रचार कियना मौथपीस लेक्का कियनद, तान किन रचयितालोर, कलाकारलोरा साहित्य सांस्कृति संगठनकु एतना क्रांतिकारी प्रचार कुना नडमा मंदना फर्क तुन समझेमत्ताद मंता। अद वर्कशॉप तिना वत्ता अनुभाव तिनाये जंगल तुन आदिवासी कला मूल्य तुन, जनताना गेरिल्ला यूनिफर्म किन प्रतिबिंद कियना मावा सी.एन.एम ड्रेस किन निर्णय कित्ताद मंता। मावा सी. एन.एम झण्डा किना लोगो तैयार कियना इंजी आल्सतोम। इद कार्यशाला ते सब्बे विषय कुना लोपा सब्बे प्रतिनिधिलोरा लोपा कामरेड रमेश सक्रिया रूप ते शामिल अत्तोर। ओर ओंड चेप्पा वर्कशॉप चर्चांग ना लोपा शामिल आसोरे, ओंड चेप्पा कैंप ना निर्वहणा लोपा भाग आसोरे अद ऑल इंडिया वर्कशॉप किन सफल कियाला योगदान कित्तोर।

जन नाट्य मंडली किन अस्के ता आंध्राप्रदेश सरकार प्रतिबंध कित्तानकु लीगल हिसाब ते प्रोग्राम ताकि केवा लेक्का परिस्थिति बनेमत्ता। अदेन मैदे क्रांति तुके तम्मा पिस्वाल किन समपति कीसि पेशेवर क्रांतिकारी कलाकार बनेमासी पी.एल.जी.ए रक्षणा लोपा मंजी, जनता लोपा जनकलाकारलोर प्रोग्राम्स हिसोरे मत्तोर। मन्यम मेट्टा किट्टे नगा कामरेड रमेश 'पीतुरी एंदना दलम' तुकू जीवा तोसतोर। एओबी तिना वायना साहित्यम सांस्कृतिक पत्रिका तूरूपु कनुमा (पूर्ब मेट्टा) पत्रिका किन संपादक लोपा भाग अत्तोर। मूलवासी कुव्वे जनता ना नडमा काम कीसोरे जनताना मन किन जीडतोर। ओरा भाषा तुन पोयतोर। जनताना कला किन, कला दृष्टि संगे विश्लेषणा कित्तोर। 'कोंडा रेड्लु' जनताना संगे मिलेमातोर। ओरा रीति-रिवाज किन समझेमत्तोर। ओरू अगा मत्ता सब्बे मूलवासी जनताना नडमा सिर्फ जनकलाकार लेक्काने आयवा लेवा ओर किन संगठित कियना नेल्लूता आर्गनेजर। अव मेट्टांग लोपा जनता बेचोनो बीमार अत्तास्के मूलवासी जनता किन जनडॉक्टर लेक्का सेवा कित्तोर। जंगल ते वासी जनगेरिल्ला नडमा, जनताना संगे बेनोर वेंडे ओरू कवि अतके आई, कलाकार अतके आई, गायक अतके आई, चित्रकार अतके आई, छात्र अतके आई, बुद्धिजीवि अतके आई, ओर बेनोर अतके आई पहली सक्रिया, आत्मारक्षणा लोपा भागम आयना। दाना संगेने तमा रोज ता पिस्वाल ता जरूरत तुन पूरा कीसोरे, मुन्ने वायना साधारण समस्या किन परिष्कार कियना मैद बुनियादी जानकारी वत्ता पेरकेने, अपना गिर्दा मंदना क्षेत्र लोपा मौका दोरक्तस्के लाल-निपुणता किन प्रदर्शना कियना इंदना समझदारी संगे ओरू तना गेरिल्ला पिस्वाल तुन ताकी कित्तोर। कामरेड रमेश अट्टा तुकू एसएलआर संगे, तला तुकू लाल उक्का टोपी, आलीव ग्रीन यूनिफर्म संगे सांस्कृतिक संघर्ष किन मार्गदर्शन हित्तोर।

दाना पेरके ओरू 2004 ते संघर्ष ता जरूरत अनुसार ते जंगल तिना आदिवासी जनता नगडल शहर ता जनताना नडमा काम कियला अत्तोर। गेरिल्ला यूनिफर्म विडसी ओस्सो कला क्षेत्रता कार्यक्रमकु लोपा भाग अत्तोर। गेरिल्ला बत्काड तिना लीगल पिस्वाल तुकू बदली अत्ता पेरके, अगा ओरा जोडी (आड इरवुर) सामना कित्ता समस्यांग बेचोनो मत्ता। जेएनएम संगठनकुना लोपा पार्टी लिंक लेवा मंजोरे, जनताना मैदे समपति भावना संगे क्रांति हरदे नित्तोर। स्वार्थ संगे कोहकु कोडस्ता ओयतू इरवूर सीनियार कलाकारलोर तमा संगे मंदना कलाकारलोर किन हुडला उडनस्के सहान कीसोरे ओरा गलत रुझान कुना पोर्रो संघर्ष कित्तोर। बाहर समाज ते मंदना रंग-रंगिना गंदा, गलत रुझान कुना पोर्रो संघर्ष कीसोरे दृढता संगे नित्तोर। तना संगे मत्ता उच्चुक मुल कलाकारलोर स्वार्थ (तना मैदेने आल्सना) तुकू शिकार अतके वेंडे ओरागडल सबक एतोरें निस्वार्थ बुद्धि क्रांति तुके तमा बत्काड समपति कित्तोर। तना बत्काड जनताना

सेवा मैदेने इंजोरे, सांस्कृतिक योद्धा आसी तना क्रांतिकारी कर्तव्य तुन निभा कित्तोर। जनता लोपा मंदना जनकलाकारीर किन संगठित कीयना इंजोरे पट्ट पोयसी काम कित्तोर. समाज ते जोड़ेमत्ता नोर किन जनता किन नरगे प्रभावित कित्तारोरा लोपा क्रांति ता चेतना कमी अतके समाज लोपा मंदना गलत रुझानकु उब्बय प्रभावित कींता. साहित्य-कला क्षेत्र ते मंदना कलाकारलोर किन इद खतरा ओसो ज्यादा मंदीन्ता। वरोर व्यक्ति हासिल कित्ता बेस ता पेदिदर तुकू ओना कला निपुणता, टैलेंट-प्रतिबाये कारण इंजोरे घमंडी संगे, स्वार्थ संगे व्यहार कीसोरे, ओर इद स्तर तुकू एवसी कित्ता पार्टी ता क्रांतिकारी राजनीति ता बुनियादी किन मारंगना तुन, कामरेड रमेश नरगे विरोध कियनोर। तना किन पार्टी हित्ता जिम्मेदार किन निभा कीसोरे हर समय जनकलाकारलोर किन संगठित कीसोरे पाटा, डाका संगे पृथक तेलंगाना, जनवादी तेलंगाना मैदे राज्य मेंड वेल्थसोरे राजनीतिक प्रचार कित्तोर। ओना सपना 2014 जून 2 तारिख ते आनशिक रूप ते पूरा आसोरे पृथक तेलंगाना राज्य बनेमत्ता। भौगोलिक पृथक तेलंगाना वतके जनताना समस्या मायो इंजोरे। जनवादी तेलंगाना पाईजे इंजोरे जनता लोपा ओसो संघर्ष तेहताला काजे दृढसंकल्प संगे काम कित्तोर। तेलंगाना राज्य बनेमत्ता पेरके, सरकार तुकू वींगिसी गुलाम बनेमत्ता कवि, कलाकारलोर किन, विरोध कीसोरे जनता मैदेने कला इंजोरे जनकलाकारलोर किन संगठित कियला प्रयास कित्तोर। पोरो वेहता अद परिस्थिति ते पार्टी तिना जन नाट्य मंडली इतिहास किन रासना इंजी निर्णय कित्ता। दीना किन रचयिता लोर, कलाकारलोर किन कल्पसी ऑड ड्रप्टींग कमेटी किन तास्ता। इद कमेटी लोपा कामरेड डप्प रमेश वेंडे शामिल मत्तोर। तनाकु इद एतिहासिक जिम्मेदारी हित्तानकु बेचोनो गिर्दा अत्तोर। अद समय ते तनाकु गुंडे बीमारी (दिल का दौरा) कारण ते आपरेशन आसी इंका पूरा सुधरेमत्ताद वेंडे हिल्वा मत्ता। मति तनाकुन हित्ता जिम्मेदारी किन निभा कियला साटी सम्पुर्णा कोशिश कित्तोर। 5 दशक कुना लोपा जन नाट्य मंडली इतिहास ते बेचोनो घटनांग जरगता। आवव सब्बे घटनांग लोपा अद संगठन ता सीनियार कलाकार लोरा लोपा वेर वरोर नेताल आंदु। अदेन मैदे जेएनएम इतिहास रासनाद ऑड महत्वपूर्णताद इंजी आल्सतोर। अत्ता 5 दशक कुना कालम लोपा जेएनएम मोद्दोल तिना इंजे एवना इदु संगठनकुना आंशिक रूप ते, प्रत्यक्ष रूप ते, परोक्ष रूप ते सक्रिय हिसाब ते बेनोर-बेनोर बेस्के-बस्के इद सांस्कृति संघर्षकुना लोपा शामिल

अत्तोर, इंजी ओरा अनुभाव, ओरा रॉय किन एताना काजे पार्टी तनकिन जिम्मेदार हित्ता। बेचोनो तिप्पल वतके वेंडे तनकिन हित्ता जिम्मेदारी किन निभा कित्तोर। जेएनएम संगठन शुरुआत कालम ते काम कित्तानोरा सदस्वीरा रॉय किन, ओरा अनुभाव किन, रचना विवरण, छपा कित्ता पाटा पुस्तकना विवरण लाखों, करोड़ों संख्य ते टेंडता केसेटकुना विवरण, वीडियो, फिल्मकुना विवरण, पार्टी



कार्यकर्तालोरा इंटरव्यू कुन ईले बेचोनो कित्तोर। अव सब्बे कल्पत्के पार्टी सांस्कृतिक क्षेत्र लोपा कित्ता कोशिशकु तौंदीता। अद पूरा मनाकिन इंजेके ऑड आरकैव्स (खजाना) लेक्का मंता। ओसो पिस्ता सांस्कृति संघर्षना इतिहास कुना बाकी कलाकारलोर, कलाकुन जीवा कियनोर पूरा कींतोर इंजी आशा कियकाल।

जेएनएम इतिहास मैदे मेटिरियल जमा कियना जिम्मेदारी हित्ता कामरेड अक्कीराजू हरगोपाल (साकेत) इद नडमाने शहीद अत्तोर। कामरेड रमेश जीवा कियना नेतृत्व कामरेड साकेत दादा ना शहादत, जीवा नोयी कित्ता। वेल्लय साल तिना ओना गैडेन्स लोपा काम कीसोरे मंदनास्के, ओरू आमुर अत्ताद केंजीसि ओस्सो जिम्मेदारी संगे काम कियना इंजोरे संकल्प एतोर।

5 दशक ना जन नाट्य मंडली रचना तुकू तैयार अत्ता ड्रफ्टिंग कमेटी कामरेड्स किन दण्डकारण्य स्वागत कित्ता। हैदराबाद शहर तिना दण्डकारण्य तुकू ओरू वासोरे बेचोनो पांता विषयकु एजा वत्ता इंजो वेहतोर। बेचोनो सालकुना पेरके सब्बे तोर किन कल्यालय मौका हिल्वोके वेंडे दण्डकारण्य जंगल यायो सब्बे संगे तोर कामरेड्स किन मिला कित्ता इंजोरे नरगे खुशी अत्तोर। पेटो-पेटो मेट्टांग किन ऊता डूड्ड पोयसी उब्बम, दम वतके वेंडे मेट्टांग किन तरंगसोरे, रोमसोरे, कवसोरे पांता विषय किन एजा कीसोरे तना संगे ताकना कामरेड्स किन वेहतानोर। आले वेहसोरे दोगना तुन मरंगानोर। तना कवि गुंडे संगे जंगल यायोना सोभा कुन वरणण कित्तोर। गेरिल्ला कामरेड्स ना जीवा कियना मददत उडसी बावुक अत्तोर। इव सब्बे विषयकु रासा परता रचयितालोर किन यात्रा इतिहास (ट्रावेलोग) रचना कियानोंक आंता।

इतिहास रचना कमेटी ते सदस्य लेक्का ओरू सक्रिया ते शामिल अत्तोर। तनकु काम कित्ता इलाका, तनकु नेतृत्व कित्ता क्षेत्र, जन नाट्य मंडली ते अपना भागीदारी संगे, अपना अनुभावकु, संगठन ता कामकाज ताकि कियनस्के वत्ता अनुभाव किनु, समीक्षांग किनु सब्बे तोरा संगे अदान-प्रदान कीसोरे, इद रचना तुकू न्याय कित्तोर। अद पुस्तक किन हर पन्ना ते कौल ते अंजी पढ़ाई

कीसि, चर्चा कीसि अपना सुधार कियनाव किन सब्बे तोरा नजर ते तच्ची अद पुस्तक किन पूरा कियना लोपा सक्रिया भूमिका निभा कित्तोर। इतिहास रचना कमेटी लोपा ओरू मतनकु नरगे उपयोग अत्ता। ओना शहादत पेरके अंतिम संस्कार संदर्भ ते पार्टी ता केन्द्रीय कमेटी लोहसी हित्ता संदेश ते 5 दशकना जेएनएम इतिहास किन परतच्चोन जल्दी आविष्कार कींतोम इंजी वेहता। अद ओना योगदान किन इतिहास ते हमेशा मैदे निल्पी कींता। सांस्कृतिक-योद्धा, पाटा रचयिता, क्रांतिकारी जनता "शेहभास" (नेक्का-नेल्ला) इंजी तनक वेहतानोर। पानी ग्राही वारिस आंदूर, दृढसंकल्प, धीरा ना सांस्कृति सैनिक आत्ता कॉ. रमेश, वर्तमान 'समाधान' सैनिक कैंपेन अंतिम लेंज कुना लोपा, नेंड मना नडमा हिल्लेर इंदनादु, मनाकुन ओना कमि बेचोनो तोंदिता।

जन नाट्य मंडली रचना समय ते ओरू देश ते पेरसना हिन्दुत्व हमलांग पोर्री कोल ते अंजी चर्चा कित्तोर। संगे मंदना कलाकार कामरेड्स ना संगे कल्सी मंजी पूना पाटांग किन तैयार कित्तोर। इद कष्ट कालम ते दुश्मन ना हमलांग लोपा वर्ग संघर्ष किन विडसी मिरानोर किन अच्चोन ओपोर। इद विषय ते ओना लोपा मंदना युवा कम्युनिस्ट ना होंग पेसीसि वांता। इगडल रिकार्डिंग कीसि ओत्ता पाटांग किन जनता लोपा ओयना इंजी प्लानिंग कित्ताद मंता। मति कोरोना महामारी वासी पूरा कित्ताद हिल्ले।

जेएनएम ते काम कीसोरे क्रांतिकारी संघर्ष ते शहीद अत्ता कलाकार लोरा इतिहास किन जमा कियना इंजी तनकिन कामरेड साकेत ओप्पी कित्ता काम कुना लोपा ओंड आंदु। ताना मैदे कॉ. रमेश बेचोरो मुल अमर कलाकारलोरा इतिहास किन जमा कित्तोर। अव सब्बे कल्पसी ओरूस्सो समग्र रूप हीसी इतिहास पुस्तक किन आविष्कार कियना इंजोरे ड्राफ्टिंग कमेटी पार्टी किन प्रपोजल कित्ता। दानकिन अमर शहीद कॉ. साकेत सब्बे तोरा कोशिश सफल अत्ता इंजोरे अमर शहीदीर किन श्रद्धांजलि अर्पित कींतोम इंजोरे खुशी अत्तोर।

कॉ. रमेश ना कोशिश नेल्लयताद इंजोरे तारिफ कित्तोर। मति नेंड सब्बे अमर कलाकार लोरा संगे मना कॉ. डप्पु रमेश वेने शामिल आंतोर इंजी, अद शहीदीरा इतिहास ते तनाकिन वेंडे जोडा कीसि पढाई कींतोम इंजी असल आल्सताद वेंडे हिल्ले। अद शहीदीरा पुस्तक तुन पूरा कियना कर्तव्य इंजेके मना मुन्नेने मंता। दानकिन जन नाट्य मंडली ते पिस्ता इमानदार कलाकारलोर, शुभ चिंतक लोर जरूर पूरा कींतोर इंजी अमर शहीदीरा योगदान किन जरूर रासिंतोर इंजी, कामरेड रमेश ना सपना किन साकार कींतोर इंजी आशा कीसोरे मंतोम।

कॉ. रमेश ना शहादत चेतना नाट्य मंच तुकु ओंड बेहरा नुकसान आंदु। ओरू मना संगठन तिना वायना पूना पाटा किन, नृत्यु किन, प्रदर्शन किन, कोल ते अध्यायन कीसि जरूरी सलाह सूचना हियनोर। चेतन नाट्य मंच किन

अपनापल संगे एतिसि, सीएनएम ता प्रोग्राम् किन, तैयार कित्ता कला रूप किन तना संगे मंदना कलाकार लोर किन वेहसोरे अविना प्रचार तुकू दाना संगे—संगेने दण्डकारण्य संघर्ष किन वेंडे प्रचार—प्रसार कियानोर। यूटूब ते सीएनएम वीडियो किन अपलोड कियला पहल कदम कित्तोर। तेलुगु राज्य कुना लोपा काम कियना संगे मंदना जनकला संगठन कुना संगे सीएनएम अनुभाव किन ओरा संगे अदान—प्रदान कीसोरे ओरा प्रतिक्रिया, सोच विचार किन सलाह सूचना किन माकिन बेद ओंड तरीका ते एवसी कियनोर। अद्रम ता सांस्कृतिक सेनानी भौतिक रूप ते मना नडमा हिल्ले। मति ओर तैयार कित्ता बेचोनो मुल जनकलाकारलोर जनता लोपा भाग आसी मिंदेर। ओर सब्बे तोरा मददत संगे कॉ. रमेश लेक्काटा बिडिया कला मरक—मेयास्क किन, नेक्का—नेल्लता मजदूर वर्ग ता कलाकारलोर किन तैयार कियकाल। कॉ. डप्पू रमेश ना आशय किन पूरा कियनादे मनल तना किन अर्पित कियना निज्जम ता श्रद्धांजलि आंदु।



कामरेड डप्पू रमेश माकुन लोहता आखर ता लैटर लोपा माया संगे तूस्ता सजीवा अक्षर!

“इद नडमा शहीद अत्ता कॉमरेड हारिभूष्ण, कॉमरेड साकेत दादाना संगे, नेंड मीडिया ते वेंडे 26 मुल कामरेड्स (27 मुल कामरेड्स) गड़चिरोली ते शहीद अत्तोर इंदना कबुर केंजतान। ईले ओंडिना पेरके ओंड शहादत कबुर जीवा तुन उरहताना लेक्का आसी दुखम ता समुन्द्र किया मुंता। ईले ओंड चेप्प

शहादत, ओंड चेप्पा जनसंघर्ष पोरो फासीवादी हमलांग, इंका ओंड चेप्पा जनवादी हक अधिकार कार्यकर्ता लोर पोरो, जनसंगठन नेतालोरा पोरो, एनआईए हमलांग, पेरसना दमन, पेरसना जनसंघर्ष इव रेंड कल्यता वर्ग संघर्ष ना चित्र मनाकिन तौदामुंता। वेंडे ओंड चेप्पा हिम्मत कीसोरे नेल रोयता शहीदीरा प्रेरण, स्फूर्ति संगे हजारों—लाखों जनता दुश्मन ना दमन तुन काल अड्डी वाटोरे क्रांतिकारी कार्यक्रमकुना लोपा शामिल आसोरे, क्रांतिकारी वर्ग चेतना तुन तोहसोरे माकुन निरंतर दृढसंकल्प एवसी कीसोरे मंतोर। मना अमर शहीदीर किन पेदिदर—पेदिदर ते जोहार अर्पित कीसोरे ओरा अदूरा सपना तुन पूरा कियना मैदे अंतिम एवना संघर्ष कीतोम इंजोरे किरिया कीसोरे मंतोम।”

कामरेड डप्पू रमेश रास्ता इद आखिरी पत्र अनुसार तेने ओरु नवजनवादी सांस्कृतिक निर्माण ता लक्ष्य ते तना जीवा मत्तच्चोन दिया काम कित्तोर, कित्ता किरिया किन निल्पी कित्तोर।

“सबसे जागा नगा सरकारी दमन दिनाल—दिनाल पेरसोरे मंता. जनताना बतकड ता समस्यांग वेंडे दिनाल—दिनाल पेरसोरे मंता, वेंडे—वेंडे संकट पेरसोरे मंता। रंग—रंगिना समस्यांग ना पोरो अलग—अलग तबका ना जनता बेचोनो जागा तगा सरकार खिलाफ ते समझौता अयवा लेवा संघर्ष कीसोरे मंतोर। इंका मुन्ने वायना कालम ते, क्रांति तुकु अनुकुल परिस्थिति पेरसनादु स्पष्ट रूप ते तोंदामुंता।” वर्तमान परिस्थिति पोरो माओवादी दृष्टिकोण किन स्पष्ट रूपते तोहसीन्ता।

“वायना अनुकुल परिस्थिति किन नजर ते तासीसि दमन कालम ते बेले मंदनाद इंदनाद पार्टी गैडलेन्स मंता। अविन किन कचित पालन कीसोरे, राजनीतिक, सैद्धांतिक अध्ययन संगे जनता ना पोरो विश्वास कीसोरे जीवा मंदना जोम क्रांति पोरो पूरा विश्वास संगे मनदितोम इंजी वेहसोरे मंतोम।” कामरेड रमेश रास्ता इव माटा तना लोपा मंदना क्रांति ता दृढसंकल्प किनू, आचरण किनू पोरो तेहसी पोयतामुंता। तना पार्थीव शरीर पोरो (लाश पोरो) मुचता दुनिया ता मजदूर वर्ग ता झंडा, एट्टड मुटया लाल—लाल झंडा ओना आमुर किन, क्रांतिकारी आमुर हिमालय मेट्टा कुन जीडता महत्व ता कुबार्नि इंदना, तान जीडता शक्ति तादे इंदना निज्जम तुन तोहसोरे मंता।

“अमर रहे” कामरेड डप्पु रमेश इंजोरे वेंडे ओंड दम जोर—शोर ते नारा हियाकाल!

कामरेड ज्योति, मीटू क्रांतिकारी जोड़ी आसी रेंड दशक ना पोरोने अत्ता। (ज्योति, रमेश ना जीवन साथी) कामरेड रमेश संगे क्रांति ता अनुबंध, मारंगा परवा अनुबंध, जीवता अनुबंध. निम्मा मौहनम ते, आल्सुड ते, शव पेटी ता लाश मुन्ने उदताद उडसी नीवा दुखम किन मोम्मा समझेमत्तोम। कामरेड रमेश ना शहादत मना सब्बे तोर किन दुखम ते मुडसित्ता। मति, कॉ. रमेश तनक लेटर ते रास्ता लेक्का मनाम सब्बे तोरोम ताककाल। निम्मा करियता, नीवा राजनीतिक आचरण ता संगे मीटू इरवुरा अनुबंध, आशयकु, ओरू निल्पा कित्ता आदर्शकु, क्रांति ता लक्ष्य पूरा कियना मैदे नीकुन ओस्सो दृढसंकल्प संगे निल्पा कीता इंजोरे मोम्मा विश्वास कीसोरे मंतोम। इद आल्सूड समय ते निम्मा इंका वेंडे हिम्मत संगे मंदितीन इंजोर आशा कीसोरे मंतोम। नीवा स्वास्थ्य मैदे वेंडे आल्सोरे कामरेड रमेश वेहतानोर। साम्राज्यवादीर पुट्टी कीत्ता कोरोना महामारी कालम इदु, इंजेके साम्राज्यवादीर पुट्टी कित्ता युद्ध, विध्वंस ना नडमा दुनिया नप अरदामुंता। मनल इव रेंड ना संगे लडेमायना. अदेन मैदे शक्ति, युक्ति किन पेरसी कियकाल इंजोरे आशा कीसोरे.....!

शहीद दिवस 23 मार्च 2022

क्रांतिकारी कला अभिवादन संगे
चेतना नाट्य मंच
क्रांतिकारी साथी लोर

जन्म कला वीर साथीदार किन्न क्रांति ता जोहार!

विद्रोही पत्रिका संपादक, दलित, क्रांतिकारी संघर्षकुना कार्यकर्ता, बुद्धिजीवि कलाकार कामरेड वीर साथीदार तना 61 साल उम्र ते 13 अप्रैल 2021 ते कोरोना महामारी ते मायतोर.



मराठी, हिन्दी ते बना कित्ता 'कोर्ट' सिनेमा संगे ओरु जनता लोपा सब्बे तोर पुंदाना लेक्का लोक प्रिय कलाकार बनेमत्तोर। फिल्म दुनिया ते प्रतिष्ठात्मक रूप ते मानेमायना, आस्कर फिल्म अॅवार्ड मैदे चुनेमत्तोर। दाना पेरके ओस्सो ऑड फिल्म निर्माण लोपा मत्तास्केने कोरोना महामारी मनागडल तना किन दूर कित्ता। 1960-70 दशक ते दलित युवा पीढि किन नरगे आकर्षित कित्ता, 'दलित पांथर्स' संघर्ष ना संगे प्रभावित आसी तमा पेदिदर किन संघर्ष प्रतिका लेक्का बदली कित्ता, अस्केटा लेय्योरा लोपा वीर साथीदार वेरोर।

1980 लोपा महाराष्ट्र ते क्रांतिकारी संघर्ष संगे वेल्लय प्रभावित अत्ता, दलित युवता ते (लेय्योरा लोपा) वीर साथीदार मरंगा परवा स्मारणतोर। अद समय ते युवा पीढी लोपा बाबा साहेब, अम्बेडकार प्रभाव बेच्चुन मंतायो, अचोने ओर किन क्रांतिकारी संघर्ष वेंडे प्रभावित कित्ता। डॉक्टर अम्बेडकार बोधना (वेहताना सिद्धांत-टीचिंग) कमियांग किन संमझेमासी, वर्ग संघर्ष संगेने, भारत देश जाति प्रथा तिना विमुक्ति आंता इंजोरे उत्पीडित जनता ना मौलिख समस्या किन परिष्कार दोरकिन्ता इंजोरे नमतारोरा लोपा कामरेड साथीदार वेरोर। वेरु भारत की कम्युनिस्ट पार्टी (माओवादी) केन्द्र कमेटी सदस्य शहीद कामरेड मिलिन्द तेलतुम्बडे किन नरगे जीवता राजनीतिक मित्रलोरा लोपा वेर वेरोर। क्रांतिकारी पार्टी पोरों तना किन बेचोनो विश्वास मंजी नवजनवादी क्रांति तुन नमी मंजी क्रांति पाटाये ओयानोर। विदर्भ ते दूका लेक्का तेदता क्रांतिकारी छात्र युवा संगे तनाकु घनिष्ठ संबंध मत्ता। मना देश ते निज्जम ता जाति प्रथा विमुक्ति क्रांतिकारी संघर्ष संगेने आंता इंजोरे, क्रांतिकारी संघर्ष तिंचीये अंतिम परिष्कार दोरकिन्ता इंजोरे इमानदारी संगे नमतानोरा लोपा कामरेड साथीदार वेरोर। उत्पीडित जनता किन तना कला कौशल किन अंकित कित्ता (समर्पण कित्ता।) कामरेड वीरा साथीदार किन क्रांतिकारी सांस्कृतिक संघर्ष ना सहचरा कामरेडस अत्ता मम्मा, विनम्रता संगे तला ओडस कीसि क्रांतिकारी जोहार आर्पित कीसोरे मंतोम। तना आशयकुन तना नमता नवजनवादी सांस्कृतिकना सपना किन पूरा कीतोम इंजोरे दण्डकारण्य चेतना नाट्य मंच किरिया कीसोरे मंता।

28 जुलाई

दण्डकारण्य चेतना नाट्य मंच

कामरेड मूका किन सांस्कृति ता लाल सलाम!

कामरेड मूकाल दक्षिण बस्तर डिविजन, जगरगुण्डा एरिया, लखापाल पंचायत, तौंगूम नाटेने जन्म अत्तोर। यायो-बाबोन जीवा ता मरू कामरेड मूकाल सुडला मंदनास्के बालाल संगठन ते मंजोरे पिल्ला-पेकोर किन जमा कीसि विल्कु-जूरुक बना कीसि, अंजी ओइस कुयेर तुन वेल्थी ऐटे, पिट्टे, बोडे औकी तच्ची जोमा अट्टी उंजी एंदाना बट्टीने जमा आसी बालाल मीटिंग कीसि अगे पाटा,वेसो,खेल-कूद करसी विरयनोड। ईले विकास आसोडे कामरेड मूकाल 2011 ते लोकल सी.एन.एम सदस्या मंजी 6 साल काम किन्तोर।

2017 ते सी.एन.एम कमेटी ते मंजी पाटा,डाका करयी जनता लोपा नेल्ला पाटा पारनोर, नेक्का नेल्ला ता नाटक कला ते मंदनोर। बेदे नाटक पात्रा जिम्मेदार इतके जीव कीसि करयनोर। ईले कामरेड मूका ना कला किन ऊडी 2020 ते पंचायत सी.एन.एम अध्यक्ष तासताद मत्ता। तना संगता सी.एन.एम कामरेड्स किन समाधान दमन नडमा राजनीतिक बुद्धि अकाल वेहसोरे पाटा, डाका करसोरे सांस्कृति किन मुन्ने ओसोरे चला कीयना समय ते अचानक बीमार वासी सितंबर 23/2021 ते तना जीवा विडस्तोर।

कामरेड मूका अमर रहे!

कामरेड मडकाम नंदे किन लाल जेहार!

कामरेड नंदे दक्षिण बस्तर डिविजन, जगरगुंडा एरिया, बंडामोरूम नाटेने 20 साल मुन्ने मध्यम किसान परिवार ते पुट्टी पेरस्ता। यायो-बाबोन जीवता मेयाड कॉ. नंदे किन नानो रेंड, दादाल वेरोरे मंतोर। कामरेड मडकाम नंदे सुडला मंदनास्के पिल्ला-पेकोर संगे जमा आसी उसको दिब्बा ते उसी करसोडे सुडला कसला पिल्ला ते एरू ताडयोडे गिन्ने, कुंडा नोहकी तोग्ग एसोडे बालाल संगठन ते जोडेमत्ता। कामरेड नंदे, नूनी, पापालोरा संगे मंदा रीलो बट्टीने गुम गूडी नूनी वैय, कोको वैय इंजो पाटा पारोरे एंदसोरे लूटी सरकार पोरो लड़ाई कियना इंजो पाटा समझेमत्ता। साम्राज्यवादी जहरिली सांस्कृति किन मुट्टी कीसि नवजनवादी सांस्कृति निल्पी कीयना लक्ष्य पोयसी कामरेड नंदे 2016 ते सी.एन.एम लोपा भर्ति अत्ता। 2 साल संगम ते मंजी नेक्का-नेल्लुता शोभा ता लेंग ते ऑंड टूटा ता लेक्का जनता लोपा पाटा ओयनादु। ईले कामरेड नंदे ना कला विकास किन उडी 2018 ते पंचायत सी. एन.एम कमेटी ते पोयतोर। कामरेड नंदे सी.एन.एम कमेटी ते मंजी सी.एन.एम

कामरेडस किन तनक पुत्तासोर कला हिसाब ते डाका, पाटा करतानोक
कोशिश कियानाद

कामरेड मडकाम नंदे अमर रहे!

कोंटा एरिया सी.एन.एम कमेटी सदस्य कामरेड माडवी लच्छू किन सांस्कृति ता लाल जौहार!

कामरेड माडवी लच्छू दक्षिण बस्तर डिविजन कोंटा एरिया रेगाडगट्टा नाटे माडवी लोते जन्म अत्तोर। सुडला उम्र ते यायो-बाबोन संगे कमाई-दमाई कष्टाम करसोरे बालाल संगठन ते काम कियना समय ते सलवा जूडुम दूका वासी लोकिन पोडसना, अन्नम-धन्नम, माल-माता तुन लूटी कियना समय ते कामरेड लच्छू सी.एन.एम संगठन ते मंजी जनता ना समस्या तुन पोयसी पाटा, डाका, नाटक माटा संगे जनता लोपा प्रचार प्रोग्राम एवी कियना लोपा कामरेड लच्छू ना भागीदारी नरगे मंता। 2009 ते पंचायत सी.एन.एम कमेटी ते वत्तोर।

ओना काम-काज तुन उडसी 2017 ते पंचायत सी.एन.एम अध्यक्ष जिम्मेदार पोयसी सांस्कृतिक कला किन ध्यान ईसी करसोरे तना किन इत्ता जिम्मेदार तुन पूरा कीसोरे 2021 ते एरिया सी.एन.एम कमेटी सदस्य ते एत्ताद मंता। तना किन इत्ता वर्क डिविजन जिम्मेदारी तुन पोयसी बेस्के ता अस्के पोरो कमेटी तिंचो वायना प्रचार प्रोग्राम दोड जनता एवना अंजी राजनीतिक बुद्धि वेहसोरे, कामरेड लच्छू सी.एन.एम कलाकार बनेमत्तोर। बेदे पात्रा तुन जिम्मेदार इतके वेंडे जीवा कीसि करयी मंजी जनताना जीवा तुन पिडंगना लेक्का जनताना समस्या तुन पोयसी अलग-अलग तरीका ते नाटक बना कीसि प्रचार प्रोग्राम एवी कीयनोर।

जनताना दिल-दिमाक ते हशी-खुशी ते जनता ना जीवता जीवा आसी जनता संगे मिल-जुल आसी कामरेड लच्छू मंदनोर। तनक मंदना इलाका लोपा लच्छू किन उडता-पुत्ता जनता बेस्के वेंडे मारंगोर। सी.एन.एम कलाकारलोर किन, नेल्लुता कलाकार बनेमासी प्रभावित कित्तोर। ई समाधान-प्रहार दमन नडमा पेरके मुन्ने आयवा जनता किन हिम्मत वेहसोरे 2022 फरवरी 12 तारिख ते तोयना बीमार वासी शहीद अत्तोर।

जन्म सांस्कृतिक त्वा अध्यायन !

मूलवासी सामूहिक संस्कृतिन्ना पोरोँ साम्राज्यवादी संस्कृतिन्ना हमला!!

दक्षिण बस्तर डिविजन सी.एन.एम अध्यायन रिपोर्ट!

—दक्षिण बस्तर डिविजन सी.एन.एम अध्यक्ष कॉ. अशोक

इदु नडमा दक्षिण बस्तर डिविजन ते पामेड़ एरिया सी.एन.एम कमेटी मीटिंग ते शामिल अत्तास्के अदु मीटिंग ते दोरकता इचुक रिपोर्ट!

माकिन ज्यादाये चिंताजनक लगेमत्ता। इदु इलाका ते लग-भग कोया,दोरला, आदिवासी समुदाय कुना जनताये मंतोर। निन्ने—ओन्ने एवना इद क्षेत्र ते जनताना सांस्कृति लोपा सामूहिकता इंदनाद प्रधान रूप ते मंदनादु। बत्काड़ ते कष्टाम ते, आटा, पाटा ते, सुःख दुःख ते, वेटा—टोटा ते, आट—पेट, सग्गा,साईड ईले हर एक विषय ते सामूहिकता अपना सांस्कृतिक परंपरा इंजेट वेंडे सजीव ते मंता।

अत्ता 10 साल लोपा इवु विषय कुने तेजगति ते बदलावकु जरगसोरे वत्ता। मार्केट संबंधकु, पलायन, इंटरनेट इवु इलाका ने 2G सेवा तिना 4G ते अपलोड़ कीयना मैदे केंद्रीय गृहमंत्रालय आमोदन ईसोरे 2,500 करोड़ रुपया ना बड़जेट मंजुरी कीतोम इंजी घोषणा कित्ता। शिक्षा क्षेत्र विस्तार आसी इदु क्षेत्र ता ओंडू सेक्शन लंपेइनिज्म, केरीरिज्म ता दिशा ते आकार्षित आयना,नार—नार मोबाईल्स, ब्लू—फिल्म्स असामाजिक संस्कृति फ़ैलेमत्ता। सामाजिक, सांस्कृतिक जीवन तुन तीव्र स्तर तेने प्रभावित कीयामुंता। जहरीली संस्कृति ता विचार तुन दिमाक मंडू निहसी, प्रशिक्षित कित्ता। सरकारी गुण्डा सशस्त्र बलकु बस्तर लोपा समाधान, आपरेशन्स पेदिदर ते दसियों महिला किना पोरोँ अमानवीय अत्याचार, बलात्कार, हिंसा ताकि कीसोरे मंतोर। कोंटा एरिया कोलाईगुडा, एलाड़ कैप, जगरगुण्डा, किस्टाराम ता पोट्टोंग कैप, पामेड़ थाना ता डीआरजी गुंडालोर इदु नडमा लग-भग 30 तुक पोरोँये महिला ना पोरोँ जबरदस्त अत्याचार कित्तोर। महिला पेयाल बेके वेंडे काम ता दायला वेरियना महौल मंता।

एलाड़ नाटे इतके लोन गुड़ियी मत्ता महिला ना पोरोँ, पयाल बोरिंग ते एर मैदे अत्तास्के, एर मीयानोंक एरवीना (तालाब) अत्तास्के वेंडे पुलिसीरा गुण्डागर्दी—अत्याचारकु ताकामुंता। जगरगुण्डा एरिया ते पुलिस तोर 2021 आखिरी ते आपरेशन कीसि नाटे ना दादालोर किन पोयसी ओयनास्के दसियों, महिला तम्मा नाटेना दादालोर किन विड़सी कीयला पुलिसीरा पेरके अड़त्ता, अवु महिला किनु पुलिस गुण्डालोर पैंटी टेंडी ड्रायरी ने पूड़तोर। इसुन्ता हरकत ताकना पेरके 'राज्य' ता सोच समझदारी नीति मंता, इंदना मनल पुत्तादे।

माओवाद प्रभावित इलाका लोपा पुलिसीर मानसिक तनाव तुन दूर कीयला लूटी सरकारकु पुलिस गुण्डालोरा दिमाक तुन ब्रेइत वाश कीयला साम्राज्यवाद जहरीला संस्कृति, तुन ओंडू मुख्या हथियार लेक्का इस्तेमाल कीसोरे ओरकिन गुंडा फोर्स लेक्का तैयार कियामंता। दूसरा पक्का आदिवासी जनता ना सामूहिक सांस्कृति परंपरा कुन ध्वस्त कीयना लोपा साम्राज्यवादीरा एलआईसी पॉलसी तुन प्रभावित ते इस्तेमाल कीयामुंतोर।

अत्ता रेंडसालकुना लोपा पामेड एरियतेने जरगता परिणाम कुन उडतास्के इदीना तीव्रता तुन मनल समझेमायनांता। पाडि/कट्टा अडवानोर संबंध तास्ताव, 7 केसकु, एलास्क ना पोर्रो बलत्कार ता ओंड केस, पेंडूल अत्ता, अयवा महिला ना पोर्रो बलत्कार कित्ताव 4 केसक, रांडी ना पोर्रो जरगता अत्याचारताव 2 केसकु, सुडला उम्र ता पेकोर कित्ता सामूहिक अत्याचार ता ओंड केस, इसुन्तादे ओंड केस प्रयास कीस उड़ी विफल अत्ता। मेयास्कुना पोर्रो जरगता बलत्कारताव 3 केसकु, यायो, कूची ना पोर्रो जरगता अत्याचारताव 2 केसकु, मर्क/ जानवर संगे अश्लील हरकताव 6 केसकु, 2,3 मुल संगे संबंध तास्ताव 2 केसकु, सुडला उम्र तोर संबंध तास्ताव 1 केस, अवैध संबंधताव 2 केसकु, सुडला उम्रता पिल्लाये पेकान किन जबरदस्त कित्ता केस 1, पूरा 29 केसकु सामने वत्ता।

इविन लोपा गर्भवति अत्ता केसक 7 मंता। ओंड नूनीन तम्मा यायो लोरे पूकार अतके इज्जत दाता इंजी आल्सीसि डिप्पी पोहताना दवाई इत्तास्के अद गढबेद आसी नूनी डोलता। ओंड-रेंड जागाने सुडला उम्र तोर ब्लू-फिल्म्स उडानाद जरगतामुंता। इवु घटना आदिवासी समाज लोपा वायना भाविष्य ते सामना कीयना चुनौति किन तोहतामुंता।

आलकेने लोपा नाहकुने फैशन कलचर विस्तृत ते ओड़ियामुंता। हीरोइज्म युवा पीढी लोपा पेरस्ता। वेश-भूषा ते बदलाकु वत्ता। मुन्ने हर नाटे 30 से लेकर 80,90, 120 तक कोया डोलकु मत्ता। मति इंजे डोलतास्के ऊर डोला मैदे इचुक नाहकिनोर दूसरा नाटे तिना तालकि तत्तामुंतोर। डोल डाका ने लेख्या-लेय्योर वावोर आयामुंतोर। बक्सने एंदामुंतोर। डीजे डाका वाटामुंतोर। बेगा-बेगा पेंडूल,पंडूम किने ओसता मुयतोर, डोकरी वेंडे बक्सने डाका वाटामुंतोर। दोरला समुदाय ते मुन्ने 'पेद्धा मेलाम' इंदना वाईध्य तुन हर सांस्कृति कार्यक्रम ते विशेष महत्व मंता। इदिन लग-भग सियान माने लेक्का तोरे पेंसानोर। इद वेंडे इंजे मायामुंता। कोया डोलकु नाटे तुक 2,3,10,15 लेक्का मिंदे। इंजेता पेकोर मड़पि केरदना शौड़ी जिल्ली मद्द ते टेंडना लेक्का ता पैटी, बोंगा-बोंगा मंदना पैटी मूला बटनीनाव सोक्का केरदनाद ज्यादा मन कीयामुंतोर। बाल कटिंग्स लोपा वेंडे पेकोर फूलगोभी कटिंग्स पत्तागोभी कटिंग्स, वोनिसिंग, रेसुगुरम,गबरसिंग, मिर्ची कटिंग्स, रफ्तार कटिंग्स, साईकिल

पंप कटिंग्स, ABCD कटिंग्स, अनार कटिंग्स ना पेरू सूर्या कटिंग्स, दिल कटिंग्स, कोर्र कुकुड कटिंग, टाइगर कटिंग, बंदर कटिंग कीया केत्तामुंतोर।

पीकी (पिल्ला) लहसून छोटी, प्याज छोटी, सागर छोटी, दिल छोटी, निल पाया लेक्का ताव कीया वेहतामुंता। वला रैके, (ब्लौजी) केरदामुंता। इसुंता सांस्कृति तुन ऑड सेक्शन शिकार आसी लंपेन कलचर किन पेरसि कीया मुंतोर। इसुन्ता ऑड प्रगति विरोधी सेक्शन तुन लूटी सरकारकु ऑड योजनाबद्ध तरीका ते ओडियी कीसि पोसा कीयना लोपा ऑड हद तक सफल अत्तोर। शिक्षा पेदिदर ते वत्ता दसियों बुरुजुआ स्कूलकु, कैम्प, रोड, साइड नाहकुने खुलेमासी फोटाकेबिनकु ताकामुंता। इवु स्कूल-आश्रमकुने अश्लील सांस्कृति ता शिक्षा तुन वेंडे अप्रत्यक्ष रूप ते पिल्ला ना दिमाक लोपा नेहतामुंता, निहतामुंता। इंजो अवु स्कूलस कुना माहौल गवाह ईयामुंता। इद वडषा छुटटी समय ते वेंडे पिल्ला किन लोन दायना मौका इल्वा कीसि अतिरिक्त कक्षा पेदिदर ते स्कूलस लोपाये तास्तोर। इदिना लोपा पिल्ला ना पोरो तम्मा नियंत्रण तुन अमल कीयना साजिश सरकार किन जरूर मंता, इंदना विषय समझेमायनांता। पुलिस भर्ति अभियान तुक जरूरत मंदना सब्बे तरीका ता शिक्षा तुन सरकार इदु रूप ते कीयामुंता।

इवु बदलाव कुन समझेमासोरे नेटता युवा पीढि तुन इदु जहरिली साम्राज्यवादी संस्कृति ता खतरा तिना बचा कीयना। ओर किन जनवादी संस्कृति ना दिशा ते कल्पी ओयना जरूरत मंता। इद मना मुन्ने मंदना महत्वपूर्ण जिम्मेदारी आंता। विशाल जनता इंजे वेंडे साम्राज्यवादी संस्कृति विरोध ते कईयों तरीका ने लडेमासोरे मंतोर। ओरकिन संगठित कीसोरे जल-जंगल-जमीन इज्जत अधिकार मैदे जरगना आंदोलन ते पोयसी वायना लेक्का मनवा कार्यक्रम मंदना। वर्गदृष्टि तुन पेरसी कीसोरे जनता कुन जागरूक कीयना। जनवादी सांस्कृतिक कार्यक्रम कुन विस्तृत ते जनता ना बत्काड़ ते ओयना। इदु ऑड कठिन चुनौति अत्तेकाई जनता आखिरी ते साम्राज्यवादी सांस्कृति ऑड कडिता, गब्ब पोयता संस्कृति इंजी चिह्नित कीतोर। इदु ऑड सांस्कृतिक अनिवार्यता। जनता लोपा चेतना, दृढसंकल्प आत्माविश्वास संगे काम कीसोरे जनवादी सांस्कृति तुन निर्माण कियाकाल।▲

धर्म ता मुंडाड़!

मुब्ने- मुब्ने ता सेवा-साकेड पोसा कित्ता पूजा-पाट कीसि नइस्ता पेन, आनल किन विडसी
एसप्रभू ते जोड़ेमत्ता रिपोर्त्स!

कामरेड्स मनल मनवा भारत देश ता इतिहास बेद हिसाब ते मिंदे इंजो
केंजताल, पढाई कित्ताल। अलग-अलग जाति, भाषा, धर्म सांस्कृति हिसाब ते
मंदना मनवा देशम अलग-अलग जातिनोड किन अलग-अलग हिसाब ते पेन
आनल ता चिहिना मिंदे। जंगल पोरो आधार आसी बत्कना आदिवासीरा
पेन-आनल किन दोड़ उड़ाकाल।

ईडू करे गुडिय, मडद माडाम पेन, ईडू करे गुडियदे मंदना सामान, कुम्माल बना
कित्ता मंडुल, गुराक/घोड़ा ऐनी (हाथी), गुरु, कमर बना कित्ता दिवया, त्रिसुल,
गोरका, गुजीड़, काटा इचोर रकम मंता। मडद माडाम ते पेन तुन सकला
कीतोर। पेन इत्के कच्च, लोहा चीज वेडताव पाण्डे (माता) कलक इव
आदिवासीरा पेन-आनल।

आलकेने बेनाद ओनके बैरोन टेण्गा मंता। तेन किन अलग-अलग कलर (रंग)
ता कपड़ा मंता। तान उड़ी मंजी जल सिंगो या अंदाल कोसो या तूल डोकरी
इंजो तिगने समझेमातोर। इव बैरोन टेंगा बिड़िया-बिड़िया जतरा, पेन पंडूम,
मंडाईग, गोट्टु करसाड़ी ई लेक्कटाव जरगनस्के पेयपी कींतोर। अंधविश्वास
किन नमता कारण ते दयाम, बूताम, आनल-पेन पेददेड ते मरंगवा लेवा एडका
ते सेवा साकेल कियानादु मिंदे। अस्केने मनाकिन एडक, दुखम बेद अत्के वेंडे
नेल्ला उड़ीता। वड्डे, गुनियाल, वल्लाम कोर उड़ी कोंडा पिहस केत्ता माटा
केंजी अद हिसाब ते राय-रकम कीताल। दुःख सुख पुट्टी बचोर गंभीर ते मतके
वेंडे सोब्बे राय-रकम कीताल गद्दा! बेले वेंडे नेल्ला आतोम-आतान इंजो तम्मा
विश्वास संगे मानसिक रूप ते तैयार आसी सुडूर बीमार तिना बचेमासोरे
जाड़ी-बूटी दवाई संगे बीमार तुन दूर कीसोरे बत्कमुंतोर।

इद आनल पेन किन सेवा साकेल कीसोरे बेस्कोट्टो पीढि मुडंदता।
इंजे पुटता पीढी नेंड नाड तिना बीमार किन एडयोडे (सामना कीसोरे)
पुत्तास्सोर कीसुडके वेंडे वड्डे वालकम ने अंजडत्के वेंडे कीसि अडेमासी
मानसिक ता ज्यादा आसी एसप्रभू ते डिगा मुंतोर। बाईबिल तुन मुन्ने वाटी
बोरमिंडा उहसी बाइबिल पढाई कियामुंतोर। एसप्रभू पाटा, पारसोरे धर्म तुन प्रचार
कियामुंतोर। इद धर्म तुन पूजा-पाट कियनाद शुरू कित्ता पेरके पोग्गो, मंजन,
कल, लंदा, नशा पदार्थ तिना दूराम अत्तोर। सुडूक मुल इद नियम किन अमल
कीवा लेवा डोंगी-डोंगी पोग्गो, मंजन, कल, लंदा, नशा तिन्दना इस्तेमाल
कीयानोर वेंडे मंतोर।

लोन-दुवार सक-सका, केरदना कपड़ा, तिंदा-उंदनगा स्वस्था हिसाब ते मंदना इंजो पास्टर लोर वेहतीतोर। आले आसी बीमार तिना सुडून नल्ला अतके एसदेवुडे माकिन (मामिन) नेल्ला कित्ता इंजो 100 प्रतिशत विश्वास कीतोर। मति एसदेवुड तुन मोड़कसोरे जाड़ी-बूटी दवाई, आस्तपाल दातोर। पूना-पूना सदस्या तुन भर्ति कीतोर। एसप्रभू ते अनवोर किन वेंडे दायवहना लेक्का ओना राजनीति मिंगसुड संगे आर्गनेजर कीतोर। सीनियार जूनियार किन उड़ी मंजी नियम तुन अमल कियना वेरोन व्यक्ति किन फास्टर लेक्का विकसित कीसि बेद ऑंड सेंटर ते एसदेवुड गुड़िया निर्माण कीसि जिम्मेदारी सौंपा कीतोर।

ओरू तना गरे मंदना नाहकिना जनता किन आर्गनेज कीसि तना पक्का कल्पी तल्लीतोर। फास्टर किन हर वर्ष आर्थिक हिसाब ते पंडी कित्ता पंटा तिना शुरू कीसि पैसा तक एवना जम्मा कीसि ओसींतोर। बेद वेंडे मुन्ने पंडी वत्ता चीजन तिना फास्टर किने इयनाद मंता। जरूरत अनुसार ते देवुड किन खर्च कित्के वेंडे बाकी मयताद सोबे फास्टर ना परिवार किन बत्काड़ आता। एसप्रभू ते दायनोर मुन्ने-मुन्ने तिना मनवा रिवाज लोपा मंदना नियम, नार-पोतम, ऊर पोत मानेमायना पंडुकने जागा जिम्म ते पेन-आनल किन मैदे आड़ता-पाड़ता बेद वेंडे इवोर। माकिन आनल-पेन विड़स्ता एसदेवुड सायाम तुंगोंदे, मामिन पाप तलकिता इंजो इवोम इंतोर।

आनल-पेन किन मोड़कनोर बाता केतामुंतोर। इतके मीरू आड़ता-पाड़ता इवानोर इद नेत्तुर अरता जागा तगा बत्कनादर्यों, नार विड़सी मिराट अदे देवुड किन मोड़की बत्काट इंजो धर्म विवाद मुंडाड़ पुट्टा मुंता। हजारों साल तिना बेस्के कोट्टो पीढि मुंडदी अत्ता, बेचोरों नेल्ला डंडा कड़पी कुर्रक बेंसी तोहकीतोरी तित्तानोर, ओंडेय बुरया ते एर उत्तानोर, ओंडेय डोप्पा ते डोडा तित्तानोर किन, यायो-बाबो, दादाल तम्मुर एलाड़, अक्का, तर कुटमाम सग्गा साईड किन इदु धर्म जगडा लेसी कियमुंता। नार पोत-ऊर पोत डोल्क पिस्के पेंडूल-पंडुम ते दुःख-सुख ते वेटा-टोटा ते एसप्रभू अलग कीता। ओंड नार लोपा ओंड बूंडा एसप्रभूतोरद मतके, बाकी बूंडा पेन-आनल किन मोड़कनोराव मंता। ईले सीमा अंतर (अंद) लेक्के तैयार कित्ता। मेजारटी एसप्रभू किन मोड़कनोर मतके पेन-आनल किन मोड़कानोर पोरो दबाव किया मुंतोर।

ओंडू घटना हकीकत जरगताद सुडून वेहताकाल! किस्टाराम एरिया गोल्लापल्ली इलाका गंगलेर पंचायत पेदवानकोम नाटेनोर, ओरू एसू प्रभू ते अत्तोर। तम्मा बाबो मरीन किन निम्मा अद देवुड किन मोड़कनोन इंजो विरोध हिसाब ते वेहतोर।

अद माटा केंजी मरू नार तुन विड़सी दूसरा नाटे नगा मिरतोर। मरी मंजी बेले कीसि लोतोर किन नावा कैदे कंट्रोल ते तत्तना इंजी मरू नरगे कोशिश

कित्तोर। एक,दो साल पेरके मर्रीन किन जीवा कियना यायो उड़नोंक अत्तास्के तम्मा यायोन किन बेद तरीका ते मोटीवेशन कित्तोर, मति तम्मा यायो, तनाक कल्थी मंजी तम्मा बाबान किन कमाई तगा अत्तस्के औकी मंजी नक्सलवादीर मा बाबोन किन औक्तोर इंजो पुकार कित्तोर। इद केश 2018 ते जरगता। तम्मा बाबोन किन औकी जम्मने-जम्मने पांता नाटे नगा वासी मत्तोर। नक्सलवादीर पोरो बाड़ निंदा कित्तोर। इतके वेरू मुन्ने तिना दुश्मन किन अनकुल ता सुकली नेटर्वक तैयार आसी मत्तोर। 2021 ते जनता वीन किन सज्जा इत्तोर। मति पूना-पूना दायनोर वेंडे मंतोर। एरिया लोपा एसप्रभू किन मोड़कना नाहकीनोर परिवार तोर मंतोर।

जनता लोपा वैज्ञानिक दृष्टिकोण पेरसी कीसोरे, इंजे ता परिस्थिति लोपा खास रूप ते आदिवासीरा रीति-रिवाज पोरो पेरसामुंता, ब्राह्मणीय हिन्दुत्व फासीवाद हमला, इसाई धर्म ता हमला ना विरोध ते मना जनता किन चेतना पेरसी कीसोरे आदिवासीरा सांस्कृति तुन राका कीयना, जनवादी सांस्कृति दिशा ते मुन्ने ओयना इंदनाद मुख्या कर्तव्य आंता।▲

कञ्जीर ता विदाई, क्रांतिकारी ज्योहारू!

—संग्राम



नालुगु दशक ना नीवा ताकना डाका
रोमता इंजी दुश्मन खुशी आयामुंतोर.
मति ओर पुनोर, अमर शहीदीरा आशय
पूना विचार किन तेहींता इंजोरे.
निरंतर संघर्ष ना सुरता ना गंगा किन
कुट्टूम तेहीन्ता इंजोरे, ओर मूर्ख, बेद्रम पुनतोर!?
अदेन मैदे शहीदीरा मरण हिमालाय
पर्वत किन जीड़ता बोजाताद ।

लूटी कियना वर्गम ता साव कोरू

दूद तुक आई अल्काताद ।

ओरू मूर्ख दुश्मन पुनोर!

नीवा सुरतांग नित्य आसी,

दट इंजोरे माकिन कैय पोयसी ताकी कीता ।

दुश्मन नीवा सुरता ना शक्ति समझेमत्के

शहीदीरा हरीं तुकू वेंडे पेंचिंग तार तारितोर बहे!

मति ओरा पेंचिंग तार पेसीसि दांता ।

बाता कामीनदयो! इंजी मूर्ख दुश्मन पुनोर!

जनताना संघर्ष प्रभांजन आंता इंजोरे

दानकिन आमपकाल इतके तुफान आसी

ओन किन तूड़ी कींता इंजोरे ओर पुन्नोर!

मा 'निर्माला' हृदयमा.....!

क्रमा—क्रमाम ते पेरसना नीवा विकास

क्रम तुन उड़सी ओन किन जीरेमत्ताद हिल्ले ।

निरंतर नीकुन मापना इंजोरे गत्ति पोरो गत्ति

षड़यंत्रना गति वाटतोर । समाचार पत्रिका

मध्यम ते नीकुन औककाल इंजोरे आल्सतोर ।

मति ओरू पुन्नोर, नीवा आमुर आयेने अन्नो,

निम्मा मावा हृदय ते जनताना चिरास्मरणीय

ते मंतीन इंजोरे ओर पुनोर ।

कों नर्मदाक्का! दीर्घकालिन जनयुद्ध विजय मैदे
नीवा यात्रा, क्रांति मैदे नीवा सपना किन
बेस्केड वेंडे आयेने दाया ईवोम।
मालेमा संगे जनता किन हथियार बंद कीयाकोम।
लडाई ते उंगाना लाल झंडा ते जनताना
राजाधिकार ते अमर शहीदीरा सपना किन
पंडी कीतोम इंजोरे किरिया कीसोरे मंतोम।

निशब्द (सिम-सम)तिना विफोस्ट जरगीता इंजोरे
विश्वास कीसोरे मंतोम। अदु शासक वर्ग किन
ध्वस्त कीता इंदनादु इतिहास ता सत्यम।
एता यो मा नर्मदाक्का एतायो.....!
नीकुन इद मा कन्नीर ता विदाई
लडाई ता क्रांतिकारी जोहार!

(2022 अप्रैल 9 तारिख, नरकोम 9:10 बजे दुरमन् न्न सीविर
जेल ते शहीद अत्ता कों. नर्मदा दीदी न्न सुरता ते ई लाल अक्षर)

बस्तर ता म्मटि पुत्र, बस्तर भूमि रक्षक!

- इंदाल

टीसीओसी सफला, विफला इंजोरे कमाण्ड मीटिंग ते चर्चा पोर्रो चर्चा जरगामुंता।
“वयानार एरिया ते नक्सल हमला ते पुलिसीर डोल्टोर” इंजी छत्तीसगढ़ रेडियो
वेहता। वयानार युद्ध भूमि ते वाकी-टाकी ते कमाण्ड तुकू क्रिकेट कामेंटरी
लेक्का पल-पल कबुर एवसोरे मंता। सब्बे तोरा मोकुम लोपा खुशी, पेसिसि
वत्ता. टीसीओसी सफल ना गिर्दा ता महौल बनेमत्ता। ऑड मिनेट ते पूरा
वातावरण बदलेमत्ता। अगा मत्ता कामरेड्स, “एम्बुश टीम कमाण्डर बोर
इंजी पूछे मत्तोर?” अगा मत्ता कामरेड्स “जांबाज योद्धा कों. साकेत” इंजी वेहतोर।
अगा मत्ता कमाण्ड ता कमाण्डर “ई कामरेड किन नरगे भविष्य मंता इंजी”
वेहतोर। अद माटा निज्जमे अत्ता। ऑड दिया तूस्वाल डोड्डा ते फायरिंग जरगसोरे
मत्ता। कोसक वत्तोर इतके मेट्टा नाके मिर्राना जनता, अद दिया बेके मिर्राना लेवा,
‘कोर पंतमेकुन उडाला दायना’ लेक्का’



जनता अंजोरे मत्तोर जंग मैदान किन ऊडाला। बोरो पूछेमत्तोर, अगा फायरिंग जरगसोरे मंता, बारंक मिर्रवीर?" इत्तोर "अगा सीवाई-6 कंपनी मंता पुनवीन इतोर?" इंका बोरो वेहतोर, "कमाण्डर कॉ. साकेत मत्ता पेरके बार रा! वेरयानदु वित्तानदु" इत्तोर। इंका बोरो वेहतोर, "कमाण्डर साकेत मंतोर इतके नेंडु पुलिसीरा बोनादो मति मर्मिग आंता" इंजी वेहतोर।

कॉ. साकेत युद्ध भूमि ते मंतोर, इतके हजारों जनता, पीएलजीए सैनिक ओना संगे मंदीन्तोर। युद्ध भूमि ते ओंड जोश वांता. लडाई कियनोरा नेत्तुर लोपा बिजली तरंग फायदा आंता। कॉ. साकेत ना स्नैपिंग, एके बरेल तिना पेसना हरेक तूटा दुश्मनकुन हरा कित्ता। अदे तूटा बेचोनो मुल जनताकुन, नूनी, पापालोर किन, यायस्कीन, मुयतोर किन राका कित्ता। अदे ओना स्नैपिंग तिना तुलाड मेट्टा, आमदाई मेट्टा, बोधघाट नाहकिन, इंद्रावति कुयेर किन राका कित्ता।

मीरू बेस्केने आई लाई पेट्ते आराम कियना उडतीरा?

कॉ. साकेत युद्ध सोच अयवा लेवा इंका बेदे दूसरा कियनाद उडतीरा? ओर नरकोम तेदतोर इतके प्लास, वायर, मैन, एमींग उडनाद, तूटा चेक कियनाद, मेप रिडिंग कियनाद, एम्बुश सैट उडनाद, इवे ओना गिर्दा, युद्धये ओना गिर्दा। राजनीतिक लोपा वेंडे जमने वेहतानोर, मति ओना माटा स्नैपिंग लेक्काने मंदनाद।

आज कल लेयास्क-लेयोर उच्चुन मुल सिनेमा लोपा हिरो किन मेहकीतोर, मति पूर्व बस्तर जनता तमा का.साकेत निज्जम ता जांबाजी लाल योद्धा इंजोरे जनता वेहीतोर। इतिहास वेहीता, दुनिया ता सर्वहारा वर्ग अस्सल ता कम्युनिस्ट योद्धा इंजी।

जीवता नेत्राल का. वर्गेश

- लहर

गरीब जनता ना पिस्वल तुन बदली कियना




लूटी वर्गम ता शोषण-अत्याचार तुन मीठा कियना
जनता किन जल-जंगल-जमीन पोर्रो
हक अधिकार दोरकना काजे
कारपोरेट लूट तुन खतम कियना,
पर्यावरण तुन बचा कियाना काजे
जनयुद्ध ता हरी सहीतादे इंजी समझेमत्तीन।
वर्ग होंग संगे लडाई हरदे पेसतीन!
सांगठनिक-सैनिक काम ते
अनुशासन ते आंदोलन लोपा काम कित्तीन।

सलवा जुड़ूम पाशविक दमन ते
आपरेशन ग्रीनहंट हमला ते
दुश्मन किन सवाल कीसि जवाब हीत्तिन ।
सैनिक कार्रवाईंग ते हिम्मतते शामिल आसी
साहसिक योद्धा, सक्षम कमाण्डर
ना भूमिका तोहत्तीन!
आरेस्ट आसी जेल ते अत्तीन ।
बंदीरा अधिकार काजे लडेमासी
आदर्शवान भूमिका निभा कित्तीन!

हर काम तुन समर्पित विचार संगे कीसोरे
मैदान अंचल ते जनता किन गोलबंद कित्तीन ।
जनता, कैडर लोपा विश्वास जीड़ी
जीवा ता नेताल बनेमत्तीन!
नीवा लेंग इंद्रावति बेरेड ता
चित्रकोट कोहड़ा ता
एर तोस्सना आवाज ते
नीवा लेंग हमेशा गुरिजिता
पीढ़ि-पीढ़ि किन प्रेरणा हींता!

(पूर्व बस्तर डिविजन ते 11 मार्च ते जरगत्ता तोण्डावेडा मुठ्ठेड ते
रशहीद अत्ता कामरेड वर्गेश न्न स्मूर्ति ते)

भापका (माओवादी) के केंद्रीय कमेटी सदस्य कामरेड अंबर दादा की याद में कविता!



काँ. श्रवण

नक्सलबाडी पीढी के वारिस बनकर,
पश्चिम बंग राज्य में छाया है तू!
पग-पग पर तेरे निशान,
पश्चिम बंग राज्य में!
मजदूर किसानों की,
संग्रामी ज्वला हैं तू।
जनता का अस्तित्व और अस्मिता है तू ।
काँ. अंबर दा. भारत के जनयुद्ध में

हमेशा लाल पताका बनकर

आकाश की तरह दिखते रहेंगे।
जनयुद्ध की संस्कृति से
तूने जनता को चेताया।
मजदूर किसानों का संगठन बनाकर
नवजनवादी क्रांति को
गांव-गांव में फैलाया।
कामरेड अंबर दा. तूने
भारत के जनयुद्ध में
लाल पताका बनकर
सदा दिखते रहेंगे।

7 अगस्त 2021 को जब बेहद
बीमार से जुझते हुए
कोलकत्ता के बंसद्रोनी इलाका में
आपने हमसे हमेशा के लिए
अलविदा ली।

हांसिया हथौड़ा व बंदूक बनकर
पीएलजीए के दिलों में सदा रहेंगे।
तुम्हारी सहास व रणकौशल
जल-जंगल-जमीन पर
हक अधिकार के लिए
तूने शोषित-उत्पीड़ित अवाम को जगाया!

काँ. अंबर दादा
भारत के जनयुद्ध में
लाल पताका बनकर
आप सदा दिखते रहेंगे।
देश के क्रांतिकारियों को
मालेमा के सिद्धांत से
जल धारा की तरह
तूने एकताबद्ध किया।
नयी शक्तियों को
क्रांतिकारी संगठन में लाने,
तूने असीम योगदान दिया।

फासीवादी दमन स्थिति के बीच,
नयी युवा शक्तियों को,
गोलबंद व संगठित करने,

सूरज से होड़ लगा कर
कड़ी मेहनत की आपने,
काँ. अंबर दा. भारत के जनयुद्ध में
लाल पताका बनकर,
आप सदा दिखते रहेंगे।

आपका लाल लहू बहते रहेगा
नवजनवादी क्रांति के लिए
भारत के जनयुद्ध में
सदा बढ़ते रहेगा आखिर तक
लाल सलाम कहते हुए
आपके अधूरे सपनों को
साकर करेंगे हम
भावी पीढ़ी के लिए!



नीवा मींगत्रा लेंग हमेशा एज्ज मंत्रा।

—लहर

जाबुर जंगल ता पुईता
लाल पुंगार ईडू गुप्पा ते
ठंडा-ठंडा आसारे करसाना
वेडिय लेक्का ता नूनी निम्मा!
एंदाना मलकू

प्रकृति ते मंदना पीटटे जाड़िया गुलेय पुन्नम लेंज ते
मावा पूनेम मंजूला बे अत्ता इंजो
आदिवासी यायो, नानो एलस्कू
बूता कियना रैतू गुलाई
तालपामंतोर।

बैलाडिला मेट्टा तल
कल-कल नेकोरे पोंगना
तालपेर, मंलगेर कुएर कुने
गल-गल दायना उसा लेक्का ता
नीवा माटा,लेंग
अवनार तल चंदामेट्टा एवना

गंगोल तल कटआफ एरिया एवना
कांटिले तार बिचा कित्ता ।

कारपोरेट सेक्यूरीटी नड़मा
कमाडों फोर्स किना गस्ती नड़मा
मेट्टा किट्टे ते निम्मा
दोगवालेवा ताकता गोंजाड़ा तुन
जनता एजा कियमुंतोर!

नूनी पापा लोरकू
एत्ती बुक्का बूरोरे
ओरा मुस—मुस कवदना कोलार ते
हशी, खुशी आसी वेहाना मंदना
जनता किन नेक्का नल्ला जीवा किसोरे
वेहताना राजनीतिक समझदारी
जनता ना जीवा ते

बेंटिन वेण्डे मायवा लेवा उदीमंता!
“ पेरी बाता कियामंतीर”
इंजो नेक्का नल्ला जीवा कीसि केंयना
अद मीगंता लेंग तुन
जनता हमेशा एजा तासिंतोर ।
पूइता पुंगार, आदता काया
वीतना कमाई, करसाना वडी किन
प्रदूषित, खराब किसोरे
पोंगना एरकु, जलप्रपात कुन
प्राकृतिक जलसंसाधन कुन ध्वस्त किसोरे
मानिना बत्काड़ किन खतरा बने मत्ता!

कारपोरेट माईनिंग माफिया किना
सरकारी भगवा फासिवादी तुन
सवाल किसोरे, प्रतिरोध किसोरे
एर जंगल मेट्टा तुन
जीव विविदता तुन मानिना
बत्काड़े तुन ध्वस्त कियना
कारपोरेट विकास तुन
गुण्डाल—गुण्डाल कियाकल!

प्राकृति, जंगल, मेढ्रा, एर, वड़ी
जंगल यायोना शोभा किन
खेति कमाई, रेला पाटा किना पोर्रो
जनता ना हक अधिकार मंदना
लूट, अत्याचार लेवा समाज मैदे
इमनदारी ते वेहताना, मंदना मानि

झूठ—मूठ गति मन इल्वा
नेक्का नेल्ला मींगता
गब्बू वायना मल्ले पुंगार लेक्का
मानव मूल्य किन पोर्रो तेसोरे
लूट, गुलाम तल विमुक्ति काजे।
जनयुद्ध हरीये
सही हरीं इंजो
वेहसोरे—केयोरे
जनता काजे जीवा हित्तीन!
नीवा आदर्श त्याग
बलिदान तुन पोयसी
नवजनवादी क्रांति हरीं ते
युवा पीढ़ि मुन्ने—मुन्ने दांतोर
अखिर जीत हासिल किंतोर!

(दरभ्रा डिविजन ते कटेकाल्याण एरिया मुठेली नाटे नग्रा 2022 मार्च 15 ते फर्जी मुठभेड़ ता शहीद
अत्ता!

कों पुनेम मंजूला न्ना स्मृति ते)



**पारेवा अमर शहीदों को लाल
सलाम!**

कों डॉक्टर रोशनी
बस्तर रणभूमि के संतानों ने
भूमकाल विरासत के वारिसों ने कूद

पड़े थे। एक क्रांति के लिए।
गड़चिरोली पारेवा के जंगलों में

वार किया दुश्मनोंने
 12 घंटें जंग लड़ी
 भूखे प्यासे हमारे वीरों ने।
 नहीं कीया जान की परवाह।
 आखिरी साँस तक जंगए
 मैदान में वीरगति प्राप्त कीये
 27 जन साथियों ने।
 सबकी शकलें चिथड़े-चिथड़े हो गए
 हम अपने ही भाई-बहनों को नहीं पहचान सके।
 इतनी क्रूरता, इन्ही को ही
 कहते है असली खुंखार हिंसावादी।
 बातते है कि एक कम्युनिस्ट
 की कुर्बानी हिमालय
 पर्वत से ऊंची होती है।
 ये आपकी गरम लहू व्यर्थ नहीं होगी।
 दीर्घकालीन जनयुद्ध के हथियार से
 सबक सिखाएंगे उन दुश्मन को।
 अंतिम जीत हमारी होगी।



नवजनवादी क्रांति जिंदबाद!
 युद्ध कीयन्त्रा स्टिकल्स तुन् तोहता,

पारेवा अमर राहीदीरा सुरता ते कवित्रा
 कामरेड अर्जुन

जाबूर-जाबूर जंगल लोपा
 लाल पुंगार आसी पूयतीर
 दण्डकारण्य गेडा यायो,
 नावा मरक मेयास्क बेस्के
 वायनोर इंजी हरी उडामुंता,
 मीरु बेके मायी अत्तीर।
 पारेवा जंगल ते दुश्मन संगे
 जूझेमासोरे मीवा जीवा तुन

परवा कीवा जनता मैदे जीवा हित्तीर ।

उत्पीड़ित जनता ना

मर्क—मेयास्कनोर मीरू ।

उड़वा, पुनवा जनता लोपा अंजी

वर्ग संघर्ष ता चेतना तुन

बेरसी कीसोरे लड़ाई हरदे तत्तीर ।

करवु हिल्वा बत्काड मैदे,

वर्ग हिल्वा समाज मैदे

मीवा नेत्तुर हीसि वियुक्का वेहस अत्तीर ।

मूलवासि किन बचा कियना मैदे

हथियार पोयसी लड़ाई हरदे पेस्तीर ।

गुण्डाधूर ना वारिस लोर मीरू,

इकाड पोय ता बस्तर ते लाल वेहस अत्तीर ।

मीवा कास्ता नेत्तुर नांदता भूमि ते

लाल विज्जा मोड़यामुंता ।

सी—60 कमाण्डो संगे 12 घंटा

लड़ेमासी भारत क्रांति मैदे सपना अत्तीर ।

गडचिरोली ता जनांदोलन किन

तेज कियना हित्तीर ।

पूना पुलिस कैंपक ना विरोध ते,

रोड़,पुलिया ना विरोध ते

जनसंघर्ष किन ताकी कियना

मैदे जन नेता लोर आसी वायकीर ।

मीरू वीरा योद्धा लोर, हिम्मत

योद्धालोर बहुदूराना योद्धा लोर,

लड़कु योद्धालोर ।

मीरू भौतिक रूप ते शहीद अत्तीर

मति मावा मुन्ने पाटा, पीटो, कहानी,

कविता, वीडियों आसी दिसीकीर

पिल—पिलू ते वायना युवा पीढि किन

लड़ाई इतिहास आसी दिसीकीर ।

पारेवा अमर शहीदीर किन लाल जोहार! ▲

कामरेड गंगा दादा के याद में कविता

पश्चिम बङ्गर डिपिज्जल छात्र संघ कामरेड पण्डू

कामरेड गंगा दादा आप एक आदर्श
वान गुरिल्ला योद्धा हो,
आप देश की रक्षक कहलाते हो,
आपके साथ तारों से सजा हुआ
मुक्ति का सवेरा है।
कामरेड गंगा दादा आप एक आदर्श
वान गुरिल्ला योद्धा हो।
आप देश की रक्षक कहलाते हो।
कंटीले पौधो से खिले हुए
फूलों की तरह खेत, खलियानों में
तुम्हारे खूननों से फूल खिल रही है।
कामरेड गंगा दादा आप एक आदर्श
वान गुरिल्ला योद्धा हो।
आप इस देश की लूटेरे शोषक वर्गों
को मिटाने के लिए हमे
आदर्श दिए हो, आपकी कम्युनिस्ट
मूल्यों को ऊंचा उठाए रखेंगे हम।

आप देश की रक्षक कहलाते हो।
मालेमा की रोशनी, देश की कोने-
कोने में फैल रही है, इस देश की
घर-घर मे लाल चिंगारी जाग उठी है।

सन 2005 में एक जुड़ुं आंधी तुफान आयी थी।



उस समय आप लोग निडरता के साथ खड़े रहे हो।
आपकी क्रांतिकारी जिंदगी आने वाले पिडियों को
मशाल हैं तुम!
कामरेड गंगा दादा अमर रहे!
आपके अधूरे सपनो को साकार करेंगे हम! ▲

साहसिक छापामार कमाण्डर

- लहर

मेंढकी नदी के लहरों में
रेती में तुम्हारे पदचिन्हों में
तुम्हारे रण हुंकार
हमें निरंतर प्रेरणा देगी!
उत्पीड़ित जनता का विमुक्ति करने
रावघाट, चारगांव से लेकर बैलाडिला पहाड़ों तक
आमदाय, सूरजागढ़ पहाड़ों तक
कारपोरेट लूट-खत्म करने
जनता को भीषण दमन से
अत्याचारों से मुक्ति करने
जनयुद्ध के रास्ते में कूद पड़े हो!
प्रतापपुर-रावघाट एरिया के जनता में
छात्रों और व्यापक जनता में
घुलमिल होकर गोलबंद किये हो।
सड़ी-गली लूटी व्यवस्था का ध्वस्त कर
वैकल्पित राजसत्ता आरपीसी गठन करने में योगदान दिए हो!



आपरेशन ग्रीनहंट दमन को चुनौती देते हुए
कारपेट सेक्युरिटी में दुश्मन पर वार करने का
कई सैनिक कार्यवाहियों का नेतृत्व कर
साहसिक छापामार कमाण्डर का भूमिका निभाये
हो।

उत्तर बस्तर माटी के लाल हो।
जनता के लिए जान कुर्बान दिए हो।

तुम्हारे लहूँ से सैकड़ों युवा लाल योद्धा बनेंगे।
जनयुद्ध को तेज करेंगे!

प्रतिक्रियावादी शासक वर्गों का
'समाधान-प्रहार' हमलों को परास्त करेंगे
किराया कमाण्डों बलों को नेस्तानाबूद करेंगे
नवजनवादी क्रांति को सफल करेंगे।

(उत्तर बस्तर डिविजन किसकोडो एरिया में 18 फरवरी को
दुर्घटना में शहीद हुए का. सोमजी के स्मृति में) □

पारेवा अमर शहीदों के याद में.....

मास टीम काँ. माड़ा

भाकपा (माओवादी) क्रांतिकारी संघर्षों के चरित्र में से,
13 नवम्बर एक दुःख की दिन थी.
जंग ही जिन्दगी थी जिनकी
इश्क जिनको है अपने मुल्क,
वो सदा याद आते रहेंगे।
लाल सितारे जलती रहेगी
तो तुम्हारी वारिश भी आते रहेंगे।
गढ़चिरोली पारेवा अमर शहीदों के नाते
हम लड़ेंगे साथी।
पिंजेरे व्यवस्थों के खिलाफ
दुश्मन से 12 घंटे तक जंग लड़ कर,
इतिहास को हिला के रखे हो.
तुम्हें कत्ले आम कर
एमएमसी जन संघर्ष को लूटेरे वर्ग दबाना चाहती हैं.
एमएमसी जन संघर्ष कमजोर न होगी
फिर उठेगी जनसंघर्ष की तूफान
वो है आपके रक्तों की ऊषा,
तुम्हारे बलिदान से
इस वर्ग समाज को हम परिवर्तन करेंगे।
काँ, दीपक दा.
अनेक गेरिल्ला युद्धों में,
गेरिल्ला बलों को आज्ञा देते हुए अंतिम
सांसतक वीर योद्ध बनकर
जनता के धड़कन में अमर हो गये हो.
तुम्हारे जिम्मों को
हमारे कंधो पर लाद कर
हम चलेंगे नवजनवादी क्रांति के राह पे.
आपके कुर्बानियोंने
गेरिल्ला योद्धाओं को लड़ने

का लगन देते रहेगी।
हम लड़ेंगे साथी,
अस्तित्व-अस्मिता के लिए



वतन के कोने-कोने में
आगे बड़ेगी क्रांति,
समाजवाद, सम्यावाद समाज की ओर।
हम आपके वारिश हैं।
बस ये बात समीरों को बताये रखना,
रोशनी होगी चिरोगों को जलाए रखना।
उस लाल परचम को सदा दिल में बसाये
रखना,

शहीद साथियों की अधूरा कार्यों को पूरी करना हमारी फर्ज हैं !!
पारेवा अमर शहीदों को लाल सलाम!▲

कामरेड सुधू ना एजा ते कविता

पश्चिम बस्तर डिविजन सीएनएम कॉ.सी०न्

तिर-तिर पोड़दू पेसना पहार ते कोरचिल
नाटे ना जनता लाल झंडा पोरो तेहसी
कामरेड सुधू ना हरदे मुन्ने दायकाल इंजी
कैय तेहसी नारा केयामुंतोर।
गोड़कू मेहतना नूनी, पापालोर नीवा एजा ते
क्रांतिकारी लड़ाई डाका वाटसोरे
कीकिर कोयसोरे रेला पाटा पारामुंतोर।
पुट्टी कित्ता यायो-बाबो डोडा-जावा हित्ता
क्रांतिकारी जनता किन नीवा अमूर
कबूर केंजी वातस्के सुय जीवा अत्ता।
दक्षिण बस्तर डिविजन विनपा नाटे
पाले भूमि मैदान ते काकड़ कोंडान डीआरजी
गद्धार दुश्मन संगे पेरमंवग जुजाना लेक्का पूंडी-पूंडी लड़ेमतिन।
दुश्मन तुन निर्मुलान कीसि 14 तुपाई हजारो टूटा जीड़ि तत्तीर।
बस्तर भूमि ता भूमकाल लड़ाई

इतिहास तुन अध्यायन कित्तीन ।
जाबूर—जाबूर जंगल ते
कैयदे तुपाई पोयसी गेरिल्ला
सैनिक लाल योद्धा बनेमत्तीन ।

केंद्र—राज्य सरकार ता समाधान रणनीतिक
मिशन 2022 दमन तुन जरूर हारा कीतान इंजी
नारा हीसोरे लडेमत्तीन ।
एराम, टोंडामरका, विनपा,लेक्कोता सैनिक कार्रवाही ने
दुश्मन ता हजारों कारतुस किन
ऐरी कीसोरे मुन्ने अडवांस अत्तीन
जन सैनिक लोर किन हिम्मत पेरसी कित्तीन ।

पूवर नाटे ने अन्नी—मन्नी
जीवा लोदी नीवा एसएलआर
तुपाई तुन लोड कीसि गद्धार
डीआरजी गुण्डालोर किन एंगा जीड़ि फायरिंग कीसोरे
तेरेंम कैप एवना दुश्मन किन पूंडी—पूंडी देमा हितीन ।
जांबाज वीरयोद्धा! कामरेड सुधू ना सपना ते
बस्तर नेली ते हजारों लड़ाई योद्धा लोर किन जन्म हीन्ता ।
कामरेड सुधू अमर रहे!

अमर शहीद माइवी लच्छू की याद में

मास टीम कॉ. माड़ा

क्रांतिकारी रेगड़गट्टा गांव है तुम्हारा
माँ ने तुम्हे लाड़ प्यार से पली—बढ़ाई
तेरे गांव के नन्हे— मुन्हे बच्चों को,
क्रांतिकारी गीतों से अकर्षित कर संगठन में लायी हो ।
अभी आपको जनता पूछ रही है,
तुम कहा हो? हमें डोल—कलम परचम दे ।
तेरा गांव सलवा जुडूम काल में उजड़ गया ।
कुछ लोग पलयान,कुछ लोग क्रांति के शिविर में आता थें ।
तो ऐसी स्थिति में तुम, भूमकाल का वारिस बन कर
जनता को लड़ाई लड़ने की राह दिखायी हो ।
क्रांतिकारी दिवसों में

अपने कला मंचों से
जनता की दुःख सुख मन की भावनों को
नृत्य, गीतों द्वारा चेतना जगाते थे।
आदिवासियों की पराम्परा वेश भूषाओं को



साम्राज्यवादी जहरिली संस्कृति से,
बचाने के लिए संस्कृतिक क्षेत्र में,
चिंगारी बनकर खड़े हो गए।
मातृ भूमि की साहित्य कला का रक्षक हो तुम।
क्रांतिकारी जनताना सरकार के कला पुत्र हो
गांव के युवा पीढ़ियों को,
क्रांतिकारी आदर्श है तुम।
कार्पेट-सेक्युरिटी के बीच में
जनांदोलन को देकर मिसाल बनगए हो।
“समाधान” दमन के कारण आपकी बीमारी से,
बचा नहीं सकी आपकी प्यारी जनताने।

तुम्हारी क्रांतिकारी गतिविधि,
जनता के धड़कन में हमेशा के लिए रहेगी।
तुम्हारी बलिदान के त्याग से,
सैकड़ों कलाकार जन्म होंगे इस धरती पर।▲

कॉ. हारिभूषण दादा की याद में कविता

दक्षिण ब्यूरो डॉक्टर टीम कॉ. रमेश

तेलंगाना लाल चिंगारी सारे वतन पे
उजियारी करने फैलती लाल
पवन में उड़कर आया लख्मू दादा
क्रांति के अंगार बनकर ऐलान की!
सेट सवकारों ने गरीबों पर लूट,
जुड़ूम गुंडों ने आदिवासियों पर जोर जूलूम,
महिलाओं पर बेइज्जत अत्याचार
घरों, तबाही राज्य द्वारा देश के जनता पर
ब्रेहमी युद्ध जिसे मुकाबलें के रूप में
तीन जादूई हथियार जनता, सेना व पार्टी को
सशस्त्र की कॉ. हारिभूषण दादा।
नई जनवादी लोक युद्ध की
गुंज नई पीढ़ि, नई जिंदगी

जीने के ऐलान से छात्र, नवजावन,
बुद्धिजीवी, हर तबके के जनमनों में मालेमा नीव जगाया!
हम आपके अधूरे सपनों के निष्ठा से निभाएंगे।
काँ. हारिभूषण दादा अमर रहे! ▲

काँ. मुन्नी न्द्र एज्ज ते

काँ. श्रीकांत

काँ. मुन्नी वर्ग संघर्ष ते विज्जा
लेक्का मोड़ियीसी बेरस्तीन एलो
क्रूर दमन किन समझेमासी पेशेवर
क्रांतिकारी बनेमत्तीन एलो
गरीब परिवार ते पुटतीन,
सुडलास्के तिना जुल्म—शोषण
तुन समझेमत्तीन एलो
बालाल संगठन ते मंजोरे
राजनीतिक करियतीन
पिल्ला—पेकोर किन बुद्धि
अकाल वेहतीन एलो
काँ. मुन्नी स्कूल पढाई
कीसोरे लूटी सरकार ता
शोषण तुन उड़तीन एलो
वर्ग संघर्ष ता संगेने
क्रांतिकारी पिस्वाल बदलेमांता।



इंजी लड़ाई ते काँजी वाटतीन एलो
गंगोल एरिया ता जनता नडमा
गुलमिल आसी काम कित्तीन एलो

काँ. मुन्नी नूनी—पापालोर
संगे

जीवा कीसि वेहतानोन एलो,
नीवा आमुर जनता केंजी जड़—जड़
कन्नीर अरता मुंतोर बेके अत्तीन
काँ. मुन्नी निम्मा माकु राजनीतिक
बुद्धि वेहसी लड़ाई ता हरी तोहसी

माकुन विड़सी बेके अत्तीन एलो
केएएमएस महिलांग कुन पितृसत्ता
दबाव तल विमुक्ति आंता इंजी
वेहसी बेके मायतीन वियुक्का झंडा
ते माकुन तौदकिन एलो।
नीवा आमूर तुन एजा कीसोरे
विमुक्ति काजे लड़ेमायकोम।

काँ. मुन्नी सशस्त्र संघर्ष संगे
महिलांग कुन अधिकार
निल्पी कियना आंता इंजी
सोबे महिला उत्पीड़िन शोषण
अत्याचार ता खिलाफ ते आंदोलन
लोपा मुन्ने नित्तीन।
माकुन निम्मा मुस—मुस कवसोरे लाल सलाम
कियानोन एलो क्रांति ता जरूरत
साटी, ओडिशा ते अंजी
जाबुर जंगल तुन लाल कित्तीन एलो

8 मार्च अंतर्राष्ट्रीय महिला दिवस ते सुरता कीसोरे
दुनिया ता महिलांग किन संघर्ष ते संगठित
कीसोरे महिला विमुक्ति काजे लड़ेमायकोम।
काँ. मुन्नी अमर रहे!▲

राहीद कामरेड छोटू न्न एज्ज ते कविता

भैरामगढ़ एरिया सीएनएम काँ. मन्नी

गिव—गिव वायना वेड़्यू संगेने
बैलाडिला मेट्टा तिंची सोमगुंडा
कुयेर लहर ते वेच्चम नाटे पुट्टी पेरसतिन
काँ.छोटू निम्मा इंजे माकिन पुंगार
लेक्के पूयसी तौदामुंतीन निम्मा।
सीएनएम कलाकार आसी जनता
लोपा पाटा पारतीन निम्मा।
इंजे बेके मायतीन!?
काँ. छोटू जनता एजा कियामुंतोर।
कालदे मूया, कैदे लाल झंडा

पोयसी लड़ाई ता पाटा ओयकीन वर्रा ।
काँ. छोटू पापा नीवा लोता परिवार
तोर दुश्मन संगे लड़ेमासोरे
जीवा विड़स्तोर । इद दुख-सुख
तुन उड़सी पार्टी लोपा भर्ति अत्तीन ।
काँ. छोटू निम्मा दुश्मन ना गुंडे
ते बम आसी पोकतीन ।

निम्मा मुस-मुस कवसोरे
गड़चिरोली डिविजन ता
जनता किन लड़ाई ता
संदेश एवी कीयनोन ।

काँ. छोटू नीकिन पुत्ता
पीएलजीए कैडर लोर
नूनी-पापालोर तलकामुंतोर ।
बेके मायी अत्तीन वर्रा ।
जनता ना लड़ाई ते कल्यकीन ।

काँ. छोटू मोमो 28 जुलाई दिवस ते
शहीदीर किन एड़का कियनीक
जमा अरतोम । मति अदे दिना मैना
पिट्टे शहीद छोटू ना कबुर एवी कित्ता ।
अस्के जनता तला ते कैय पोयसी

जड़-जड़ कन्नीर अरसोरे,
काँ. छोटू ना आश्य तुन पूरा
कियकाल इंजो किरिया कित्तोर ।
काँ. छोटू मना मुन्ने तोंदोर,
स्तुपाम लोपा आदर्श आसी तोंदामुंतोर ।
सीएनएम झंडा लोपा वल-वल उंगोरे तोंदकीन
काँ. छोटू अमर रहे!

परिचम बस्तर वियुक्कांण!

(मंजुला, मुन्नी, संतिला, रुकनी, शांति, तुल्सी, सुखमोतिना सुरताते।)

गंगालूर एरिया छात्र संघ कॉ.शांति

दुनिया ते वर्ग समाज जन्म
संगे पितृसत्ता मोदोल मोड़यता।
पितृसत्ता अधिपत्या ते मातृसत्ता
मुडंदी अत्ता। अगा तिना महिला
तीन सीढ़ी ता इक्लेम ते फंसेमत्ता।
वर्ग समाज ते नानो ना
बत्काड तिडयी अत्ता,
तिडयी अत्ता बत्काड



तुन निलपना मैदे सक्रिया
रूप ते, मालेमा सिद्धांत हरदे
नित्तीर।
कॉ. मंजुला, मुन्नी, संतिला,
रुकनी, शांति, तुल्सी, सुखमोति
मीरू नेत्तुर ईसी माकिन
ई क्रांतिकारी वियुक्का झंडा किन
इत्तिर।
इदू लडाई हरीं ते महिला

नित्तामुंता।
ताकना वर्ग युद्ध ते हजारों महिला
इकत्रीत आसी नेतृत्व कीयामुंता।
युद्ध भूमि ते नेत्तुर पोहतामुंता।
नांदता वियुक्का झंडा, महिला
मुक्ति मैदे करंगमुंता।

महिला इल्वा क्रांति इल्ला
दुनिया लोपा आधा हिस्सा
क्रांति कीवा पितृसत्ता
पिंजराम तिना महिला
ना मुक्ति इल्ला।
शोषक-शासक वर्ग ता
गुंडे किन वाडकी कियामुंता।
मीवा बलिदान ता आत्मा त्यागे।

लोन दुवार तुन सकला कियना महिलाए
 क्रांति ता प्रतिक आसी जन दिल ते नितामुंता ।
 कम्युनिस्ट कलाराजेटकिना
 विरोचित मनक मिंदे ।
 नवजनवादी क्रांति हरदे
 महिला विमुक्ति मैदे
 सैकड़ों संख्या ते महिला पेयतामुंता ।
 (डिविजन ते शहीद अत्ता महिला कामरेड्स ना एजा ते) □

पारेवा घमसाज युद्ध में शहीद हुए, मूये के याद में.

दक्षिण ब्यूरो मास टीम कॉ. माड़ा

तुम्हारी क्रांतिकारी जिंदगी के सफर
 सलवा जुडूम जैसे दमनकारियों को
 अपनी आंखों से देखी हो,
 2007 में कूद पड़ी हो क्रांति में,
 महिला मुक्ति भी क्रांति द्वारा ही,
 विमुक्ति मिलेगी कहते हुए



महिलाओं को एकत्रित करती थी ।
 हर युद्धों में वीरता हो तुम,

युद्ध में निरंतर साहस व उमंग से उतरती थी ।
 सैकड़ों महिला योद्धाओं में से आप एक हो,
 माँ तुम्हे लाड़ प्यार से,
 जनता सेवा के लिए पली-बढ़ाई,
 तुम्हें माँ राह देख रही थी
 मेरा बेटी मूये कब आएगी जनयुद्ध से,

माँ शहीद खबर सुनकर
 घर आंगन में ही आंसू पंहुच ली,
 तुम्हारी खून से बिगी लाल वस्त्र को”
 सर पर कफन बांध कर
 नवजनवादी क्रांति के पथ पें चल हूँगी (माँ ने कहा)
 मेरे 27 जन प्यारे बेटो को,
 कत्लेआम किये शत्रुओं को कभी छोडु हूँगी नहीं
 संस्मरण सभा में भाषण देते हुए माँ ने शपथ ली,

आपकी सैन्य विरासत से,
सैकड़ों सैनिक बनाएंगे हम,
लाल फौज बन कर
हम चलेंगे आखिरी मंज़िल तक
लड़के लेएंगे आजादी
ये है हमारी असली शपथ
काँ. मूये अमर रहे!▲

भैरामगढ़ एरिया, नीलम मिलिशिया शहीदीरा एज्र ते

काँ. अन्निल

बीजापुर जिला, भैरामगढ़ ब्लाक, मिरतुल थाना
दिनांक 15 तारिख जुलाई 5 बजे समय मुल्पेड़क
काँ. बिड़जू, काँ. जग्गु, काँ. सुधरू ना शहीदीरा
कबुर लोन—लोन नार—नार एवता।

सग्गा, सायीर, तर्र कुटमाम,
बेगा बेले अत्ता, बाता इंजी तला ते कैयू वाटी
कोंडा ता कन्नीर अरसोरे हरदा—हरदा उड़ामुंतोर।

28 जुलाई संदेश पोयसी
नार—नार शहीदीरा संदेश
प्रचार कियना इंजी मीरू
नीलम नाटे अंजी मत्तीर।

मीवा पत्ता पुत्ता दन्तेवाड़ा,
डीआरजी गददर डोंगा लोर
लखान डोरा, पगनू डोंगल,
चैतू मिंडाल मीकिन पोयसी
नरगे तिप्पल कीसि झूठी मुठभेड़ कित्तोर।

मीकिन औकता दुश्मन
किन बेस्के मोमो विड़सोम।
बदल—बदला टेंडीतोम
इंजी मिलिशिया कंपनी
लेय्या—लेय्योर किरिया कीसि
विल्क—काड़ी कसेर, गोडेल,

गोरका, भरमार, बुबीट्राप्स

कोये बोंगा वाटानोंक पेसामुंतोर ।
काँ. सुधरू, जनता नरगे बीमार
ते मिंदे, निम्मा बेके अंजी मायतीन,
डॉक्टर डब्बा, गोली, दवाई पोयसी
वाडा इलाज कियना मंता ।
काँ. जग्गु कृषि शाखा अध्यक्ष,
कृषि शाखा ता कामरेड्स किन
मीटिंग कियना मिंदे ।
वंजी, कोहला, जाटा, नेयी वीताना समय एवता,
माकिन विडसी बेके अत्तीन ।

मिलिशिया कंपनी प्लाटून
कमाण्डर काँ.बिड़जू, टीसीओसी
एवता, प्रतिघटना कियना मिंदे ।
मीवा बाराबोर तुपाई पोयसी वर्रा,
नीकिन हर्री उडामुंतोर ।

मीरू कियना काम—काज
माकिन एजा वासोरे मंता ।
आमूर कबुर केंजता जनता
सग्गा,सयीर तर्रा कुटमाम
पीएलजीए मीवा लाशकिन
मुन्ने वाटी नारा केयोरे
आदिवासी रीति—रिवाज
ते मीकिन पोहतोम ।
तामोड़ी नाटे ककेम

लोते काँ. बिड़जू
काँ. जग्गु तेलाम लोते,
काँ. सुधरू पुट्टी पेरसी
संघम काम कीसोरे जनता
किन राजनीतिक बुद्धि
वेहसोरे जनता मैदे लेता

जीव तुन विडसतीर ।
काँ. बिड़जू काँ. सुधरू,
काँ. जग्गु मीरू जल,जंगल
जमीन पोर्रो जनताना हक

अधिकार मंदना इंजी वेहतीर ।

वेच्चम पंचायत जनताना
सुडला-बिड़िया पंची मिंदे,
पंची किया मीरू बेस्के वांतीर,
इंजो मोमो मीवा हरी उड़ांमुंतोम ।
मीवा कवदना, वेहताना लेंग,
दायना डाका माकिन एजा वांता । एजा वांत ।

मीवा आदर्श पोयसी एरिया लोपा मंदना
मिलिशिया कंपनी, मिलिशिया पीएल,
भूमकाल मिलिशिया किन मजबूत कीतोम ।
मीवा पेदिदर ते स्तुपाम बना कीसि
28 जुलाई दिनाम ते लाल-लाल
जोहार वेहसोरे मीकिन एजा कीतोम ।
नीवा नेत्तुर ते नांदता झंडा कैदे पोयसी
चार वर्गम ता जनता किन एकता
कीसोरे नवजनवादी क्रांति तुन निल्पी कीतोम ।
कों. बिड़जू, कों. जग्गु, कों. सुधरू अमर रहे!▲

आमुर लेवा सितारा :



- कों. शब्बीर

मोयोल लोपा सगम माटू
लडाई लोपा वेने आधा माट इंजोरे
आचरण ते, आसमान ते समानता साटी लडेमाता
वियुक्का ता लाल झण्डा ता
लाल-लाल हरदे दोगवा लेवा ताकिसी
दोगवा लेवा मेहनत कीसि
दुश्मन न्न बंदीखान्न ते जंग कीसोरे
जीवा हीसि शहादत तुन एरका कितीन!
नीक मावा लाल सलाम.

वर्ग संघर्ष, जनयुद्ध ता साहित्यिक योद्धा काँ बदरू!

—काँ रूंगड



गेरिल्ला युद्ध—जनसंघर्ष ते
वेहस आसी वायकिन
पुनाम लेंज वेहसीने
पूनेम लोते पुटतीन!
चिम इकाड़ समाज किन
बदली कियना हरीं पोयतीन!

गरीब यायोन मरींन
ईरू नूका तरूकुटमम विडसी
लड़ाई हरीं पोइतिन!
लेता लेंजीन लय्योन आसी
लेता जीवा क्रांति मैदे पोहतिन!
आईपेंटा नाटे नीवा नेतूर कल—कल पोंगता ।
लाल नेतूर मडगीने
एटाड़ मुटिया झण्डा आसी
हरीं तोहतीन!
हिमाड़ ईदीन जंगल नडमा
जनयुद्ध केया मुंता!
गेरिल्ला सैनिक आसी
बम बारूद संगे वायकीन!
समाधान प्रहार हमला तुन
मुकाबला किसी हरा, कियानोंक
नीवा त्याग बलिदान ते प्रेरित आसी
उत्पीडित जनता जनयुद्ध हरीं ते
मुन्ने—मुन्ने दायामुंता ।
नवजनवादी क्रांति जिड़ानोंक
आईपेंटा मुठभेड़ ता शहीद
काँमरेड्स दामाल, संतोष, बदरू
जंग ए मैदान ते मीरू जिवित मंतीर!
वयना पूना पीढी किन गुरिल्ला युद्ध ते

आदर्श आसी वायकीन
नवजनवादी क्रांति पांटा ते
लाल झण्डा आसी तोहंदाकिन।
कॉमरेड बदरू ना एजाते! ▲

भैरमगढ़ शहीद कॉ. चैतू दादाल एजरा ते कविता!

छात्र विभोद

पूर्वदिशा ते पोड़दू लाल-लाल आसी पेसामुंता।
कॉ. चैतू दादाल पुंगार लेक्के
आदवाड़ा नाटे ने पुट्टी पेरसतिन।
पीपल्सवार पार्टी किन परिचय आसी अगा तिना
कमेटी काम कीसोरे जनता ना सरकार नेताल बनेमातिन।
निम्मा इंजे मावा कोंडा मुन्ने तोंदाविन।

कॉ. चैतू दादा निम्मा आदर्श आसी
जनता मुन्ने तोन्दकिन।
आस-पास ता जनता चैतू दादाल
बेके अत्तोर इंजी तल्कामुंतोर।
मति जनता मंदा ते हिल्वीन
निम्मा माल्सी वारा,
जनता मीटिंग कियना मिन्दे।

कॉ. चैतू दादाना शहीद कबुर आमास इकाड़
नरका केंजी जनता चिनार आसी अल्सामुंतोर।

कॉ. चैतू दादा जनता गुलैय मीटिंग मैदे जमा अत्तोर।

जनता किन कल्यला पोड़दू ना वेहस संगे पेसी वारा।

कॉ. चैतू दादा किन जोहार वेहसोरे लाल झण्डा मुच्च्यी कीसि,
आदिवासी रीति-रिवाज ते पोयतोर।

कॉ. चैतू दादाल क्रांतिकारी जनता मैदे जीवा हित्तोर।

लूटी सरकार तुन मूट्टी कीसि जनताना

जनता किन प्रोग्राम हियाकिन कॉ. चैतू दादा।

पीएजजीए, पार्टी तोर नीकिन कल्यनोक वत्तोर बेके मायी अत्तीन।

राज सत्ता किन निल्पी कियना हितीन।

जनताना सरकार झण्डा ते विल-काड़ आसी तोन्दकिन।

कॉ. चैतू दादा किन लाल झण्डा!

काँ. अनिल नम सुरुता ते कविता

—कामरेड सौजू

काँ. अनिल निम्मा वेलियता नाहक,
जंगल, डोडा,मेट्टा इलाका निम्मा
वाटी मत्ता डेरा नीकिन आल्सामुंता।
निम्मा बैनार, पोस्टार संगे रासी
लडाई संदेश किन गरीब जनता
लोपा एवी कित्तीन।
नीकिन गरीब जनता लाल
झण्डा ते उडसोरे मंतोर।
लडाई ता पोल्लो वेहलासी
वायकिन काँ. अनिल।
उत्तर बस्तर भूमि ते लाल
पुंगार पुयसी मंतीन।



नीकिन पुत्ता जनता, नूनी,
पापालोर नीकिन आल्सामुंतोर।
काँ. अनिल दादाल बेके अत्तोर,
वायोर इंजी लोकुर पुछेमायमुंतोर।
नीकिन पुट्टी कित्ता यायो—बाबो
नीवा शहीद कबुर कंजी
चिनार आसी किल्लामुंतोर।
ओर किन हिम्मत वेहतालय वायु।

पीएलजीए कामरेड्स लोरकिन

2 दिसंबर दिया ते,एट्टड मुटया,एसआरएल बंदुक,

लाल झंडा आसी दिस्साकिन।

बस्तर भूमि ते लाल झंडा उंगामुंता.

निम्मा कित्ता काम, निम्मा वेहता राजनीति,
निम्मा करहता स्कूल पढाई,निम्मा वेहता
मिलिटरी नियमकु, अनुसार विषय डाका—डाका ते
सपना आसी माकिन दिसामंता।
लडाई लोपा कठिन परिस्थिति
मतके वेने दानकिन वेंडोडे मुन्ने दायना इंजी पीएलजीए
कामरेड्स किन हिम्मत वेहतीन।

नीकिन माटू बेस्के मरंगोम,

पाटा!

बस्तर भूमि ते इतिहास आसी
वायना पीढ़ि किन दिसाकीन।
लूटी वर्ग ता सत्ता किन राका

कीवालोर पुलिस तोर नीकिन
कमजोर कीयाल्सी कोशिश कित्ता
गद्धार लोर किन उंदी लड़ाई पोल्लो
ते जवाब हितीन कॉ. अनिल।

उत्पीड़ित जनता काजे जीवा
हित्तानोरा इतिहास हिमालाय तुन
वेने जीड़िसीये महत्व मंता।
रावघाट मेट्टा मेंडकी डोड्डा

ते नीवा नेत्तुर कल्सी कल-कल पोंगासोरे मंता।
नीवा लाश तुन तच्ची रावघाट भूमि ते मिस्तोम।
अद भूमि ते लाल विज्जा जन्मा
आसी रावघाट मेट्टा तुक रक्षा कीसोरे मंता.

क्रांतिकारी जनता लाल सैनिक
लोर लाल झंडा ते नीकिन
सुरता कियाकोम। कॉ. अनिल ना
आदर्श किन पोयसी मुन्ने दायकाल।
कामरेड अनिल अमर रहे! ▲

जल रही है जिंदगी...!

हिंदी गीत.

पल्लावि: जल रही —जल रही है जिंदगी दौड़ का मशाल है।
जल रहा है आसमान सदा लाल,लाल है।

॥ जल रही ॥

1. एक दीप बुज गया दूसरा जला हुआ॥2॥

दूसरों से तीसरा और भी जल हुआ ।।2।।
मजिलों के पास में हर कदम बढ़ा रहा है।
बढ़ा रहों है गुलशनों से बादलों की चांद है
।। जल रही ।।

2. जिंदगी की दौड़ पे जो फिरे-फिरे रहे
मौत पर कड़ा होके जो गिरे-गिरे रहे।
जिंदगी तड़प रही इंकलाब के लिए ।।2।।
—हर कदम बढ़ा रहों वक्त का सवाल है
वक्त है ना है यहा इस इसाब के लिए ।।2।।
जिंदगी तड़प रही इंकलाब के लिए
इसलिए खून है, इसलिए उमंग है ।।2।।
।। जल रही ।।

जन्मदात्र जौहार एतारयो नर्मदा दीदी..!

1. लालू-लालू-लालू सलामो
क्रांति जनतान जोहार
—काँ. नर्मदा दीदी बेके अत्तीना
— काँ. नर्मदा दीदी जनता तल्कामंतोरे

2. आंध्रा प्रदेश राज्यूते
पुट्टी बेरसी मत्तीना
— 10 वीं पढ़ाई कीसोरे नर्मदा दीदी यो
शोषण जुल्मी किन निम्मा समझेमत्तीना

3. राडिकल छात्र संगठन
शामिल आसी निम्मा यो
— काँ. नर्मदा दीदी कट्टू कीतिना
काँ. नर्मदा दीदी लडेमायला वेहतीना

4. नक्सलबाडी श्रीकाकुलम
क्रांति वेडस ते पेसी वत्तीन
— 80 दशक ते निम्मा पार्टी ते वासी यो
क्रांति पत्रिका दीदी चले

कित्तीना

5. 1996 गडचिरोली लड़ाई भूमि ते
—काँ. नर्मदा दीदी कोज्जी वाटतीना ।।2।।

6. पूंजीपतिर जनतान संपत





लूटी कीसि ओयनास्के

—कॉ. नर्मदा दीदी जनतान एकता कीसोरे

जंगल—जमीन कीन निम्मा बचे कीयला वेहतीना

7. पेसा कानून तुन अध्यायन कीसि

नारू—नारू अंजी निम्मा

— ग्राम सभा कीन दीदी निर्माण कीयना इतिना ।।2।।

8. राजनीति संघर्ष कीयला

—क्रांति पोड़दु, प्रभात संपादक

अत्तीना ।।2।।

9. समाधान दमन तुकु

वेरयवालोर वितेकाई

— सामाधन तुक मल्सी जबाव हिसोरे

गड़चिरोली लड़ाई निल्पी कित्तीना

10. दण्डकारण्य क्रांतिकारी

आदिवासी महिला संगठन

—अध्यक्ष मंजी यो दीदी चले कित्तीना

11. 40 सालू क्रांति साटी

—सपना कित्तीना दीदी जीवा हित्तीना ।।2।।

12. जल—जंगल—जमीन साटी

—नारा अत्तीना जनतान जीवा अत्तीना ।।2।।

13. गड़चिरोली लड़ाई गढ ता

—एट्टड मुठया ता लालू झंडा अत्तीना

कॉ. नर्मदा नीकिन क्रांति ता सलामे

लाल-लाल सलाम सुकलाल दादा यो..!

—दण्डाकारण्य जन युद्ध लोपा सैनिक योद्धा निमा यो

वल—वल उंगाना पीएलजीए झण्डा ते नीकिन हुड़सोर मंदाकोम

1. गड़चिरोली जिल्ला ते जाबुर जंगल ते

टिप्रागड एरिया ते कोसमी नाटे यो

पर्चापी लोते पुटी बेरसतीन सुकलाल दादा यो

जीवा किसी यायो—बोबो रामसाय इंदुरे

—गरीब यायोना पोट्टा ते पुटतीन सुकलाल दादा यो

8 वी एवनल पढाई कित्तीन रामसाय दादा यो

।।दण्डाकारण्य युद्ध ।।

-
2. यायो वेहता लड़ाई बुद्ध निम्मा करियतीना
खेती काम करियतीन निम्मा रामसाय दादा यो
—पढाई किसोर बेरोजगार तुन निम्मा हुड़तिना
सरकार कियना लुटी तुन समजे मातीना
।।दण्डाकारण्य युद्ध ।।
3. जनतान राका मिलिशिया ते भर्ती आतीना
भरमार बन्दुक पोयसी निम्मा राका कीतीना
जनतान राज्यम निल्पी कियला सुकलाल दादा यो
2006 ते निम्मा तुपाई पोयतीना
—क्रांति ता जीम्मेदार पोयसी निम्मा सुकलाल दादा यो
जन युद्ध किसु विस्तार कियला विदर्भ आतीना
।।दण्डाकारण्य युद्ध ।।
4. जल—जंगल—जमीन पोर्रो अधिकार इंजोरे
नारू—नारू हंजी निम्मा जनताकु वेहतीना
ग्रीनहन्ट दमन हारा कियला सुकलाल दादा यो
नारू—नारू मिलिशिया तुन तैयार कीतीना
—सैनिक कार्यवाही लोपा निम्मा नेतृत्व किसोरे
किराया बल कुना गुण्डा लोरा घमंडी डीप्पतीरा
।।दण्डाकारण्य युद्ध ।।
5. दमन तुन वेरियसी वित्तवालोरू वित्तेक वेने यो
धीरा वेहची जनतान बगील निम्मा नित्तीना
समाधान दमन तुनू जवाब हिसोरे
— डिविजन लोपा जनतान लड़ाई निल्पी कीतीना
खोब्रामेंढा, मुरचुल ते दुश्मन घेराव तुन
तोड़ा किसोरे पेसी वातीन
।।दण्डाकारण्य जन युद्ध ।।
6. पारेवा जंगलते युद्धा भूमि तेनेयो..
दुश्मन संगे लड़ेमासोरे जीवा हितीना
—नीवा आशय पूरा कियला सुकलाल दादा यो
पीएलजीए तुन मजबुत कियकोम सुकलाल दादा यो
।।दण्डाकारण्य युद्ध ।।

लालू-लालू सलामयो सोबराय दादा..!

1. लालू-लालू-लालू सलामयो मा सोबराय दादा
नीकिन मावा लालू सलामयो मा सोबराय दादा ।।2।।

2. मजदूर वर्गम जोहार एतायो मा सोबराय दादा
जनता मैदे जीवा हित्ताना मा सोबराय दादा ।।2।।

3. हदलाबादु जिला लोपायो मा सोबराय दादा
पुट्टी पेरसी मत्तीन निम्मायो मा सोबराय दादा
जनतान लड़ाई ते जोडेमत्तीना



4. तेलंगाना लड़ाई तिंचीयो मा सोबराय दादा
डीके लोपा कोंजी वाटतीना मा सोबराय दादा
गरीब जनतान कैयू कल्पतीना

5. युद्ध भूमि ते समन्वय मैदे यो मा सोमराय दादा
कम्युनिकेशन निम्मे अत्तीना मा सोबराय दादा
पीएलजीए झंडा अत्तीना

6. जनता जीवता जीवा

आसीयो मा सोबराय दादा

लेय्या-लेय्योरा नेताल अत्तीना मा सोबराय दादा
वायन पीढि किन आदर्श अत्तीना

7. दण्डकारण्य जनता सोबे यो मा सोबराय दादा
नूनी-पापालोर हरी उड़तोरु मा सोबराय दादा
बेद हरी पेसी वायकिना

8. कम्युनिकेशन गुरुजी मंजी यो मा सोबराय दादा
पीएलजीए किन ट्रेनिंग हित्तीना मा सोबराय दादा
बेचोनों मुल किन तैयार कित्तीना

9. डॉक्टर जिम्मेदार पोयसी निम्मा यो मा सोबराय दादा
पीएलजीए, जनता कीनू यो मा सोबराय दादा
हजारों जनतान सेवा कित्तीना

10. डोय ते जनता ना तिप्पल उड़सीयो मा सोबराय दादा
बोरिंग रिपारिंग कीयानोनीयो मा सोबराय दादा
जनतान एरू एवी कित्तीना

11. निम्मा कित्ता जनतान सेवा कीन मा सोबराय दादा
नीवा आदर्श पोयसी मोमोयो मा सोबराय दादा
वायन पीढि किन तैयार कीतोमा

12. नवजनवादी क्रांति लोपायो मा सोबराय दादा
लाल पुंगार आसी तोंदा किना मा सोबराय दादा
जनतान मन ते निच्ची मंतीना



जोहारलू- जोहारलू.....!

- जोहारलू—जोहारलू—जोहारलू—जोहारलू
लड़ाई कीसि शहीद अत्ता, मावा कामरेड्स जोहारलू
1. लोन दुवर विडसी मंजी
यायो—बाबोन विडसी मंजी
- नवजनवादी क्रांति मैदे नेत्तुर मीरे इत्तीरा || जोहारलू||
2. नक्सलबाड़ी नाटेने
श्रीकाकुलाम मेटटा ते
- पोंगीमत्ता मी नेत्तुर बेस्केने आय अन्नो. || जोहारलू||
3. मा सुडला तम्मुस्कु
मा सुडला एलोस्कु
- मी वेसोड वेहतीतोम मी हरदे तत्ताकोम || जोहारलू||
4. रैतू तोर बूता तोर
पढाई कीयना बुद्धिजीवीर
- कैदे तुपाई पोयतोरू लड़ाई हरदे पेस्तोरू || जोहारलू||
5. मी नेत्तुर नान्ता भूमिते
जनता राज्यम कोडसा मुन्ता
- जनवादी क्रांति जीडना जोमू कैदे तुपाई विडसोमू ||जनवादी क्रांति||

